

侯潭高氏族譜卷之十四

大傳

古人之能為不朽者未嘗求見於世迺有已  
弗傳有傳而失實者史氏之闕釋乘之誤也夫前  
行之後人曰言傳之觀其遺事如見其為人功  
埒矣乎若以道其先人  
者述祖德曰乘禋不以

謝伊家語備三

大傳



其世家以表見當

其先如此用是綴緝舊聞詳

嗚乎我高氏自

魏歷宋助德相望史不勝書矣洎丁巳季斬刈奔藩

遂稱中落其間獨行隱逸之士猶能稍用耕讀不墜

其緒然已無多仕於朝者其事不傳故列傳斷自明

始共可得而紀者什之一二皆出先大夫先君之所

口授卒以飾詞若方之王謝崔盧則何敢望正如誦

周人爪戩之詩不諱其陶復陶穴之陋焉耳魏齊唐


宋諸公事具正史本傳者不更有所誤述焉作大傳

嗣孫詠撰

以下至麻孺人傳凡  
四十皆殿檢公撰

九傳

卷之一



善齋公傳

高氏自宋端拱中惠連公舉進士知吉州始顯於宣  
 厥後太傅扈蹕南渡自白岸而黃渡認公復由進士  
 爲司空子孫盡室再徙以及侯潭家世中落無所表  
 見越數世乃有善齋公云公諱宣字惟達狀貌魁傑  
 長七尺餘美鬚髯自以先世勛賢之後結廬避地躬  
 耕自給有隱德不求人知以敦仁謹厲志行爲鄉閭  
 所表式閨門雍肅僮僕內外皆怡然

爲躁進干譽之事其居處進止雖造

人交清濁無所失以是人威信愛之呼爲隱君焉天  
順間歲祲里多逋逃公自鎰耕南畝具糧糗糜粥遍  
餽隣人之不能餉者公固農家旣待給者衆又不責  
償庾廩爲竭時有不繼自忍饑食纔取粗糲而已遇  
道墮者輒出錢昇瘞之雖妻子不令知也性慈仁不  
能忍於一物自甘儉素勤苦爲本務厲佞檀之節非  
其力不食屏居山澤生平不一至城郭人有犯弗與

爭諸賓客故舊或有負逋致累貽亦未嘗爲人言每  
以爲德不卒爲耻坐是家不能累中產布衣蔬食終  
其身晏如也號河干逸叟又嘗自爲像贊命意閒遠  
數引古獨行高逸之士以自况殆無媿焉憲宗朝以  
年高賜爵一級有司爲之旌其間年八十六卒里中  
會葬者百餘家子三人曰玉鏞玉鑑玉珍







古村公傳

善齋公有兄曰古村公諱亩字惟仁公兄弟四人公  
長自善齋公以德禮仁讓表於一鄉士大夫咸高其  
行名聞有司至被旌異里之譚家風者歸焉以故善  
齋公諸兄弟皆有美譽古村公尤最著公願身美髯  
木彊質响見人响响不能道寒溫與周旋久輒不能  
舍去居宗黨間甚見尊禮年五十餘健駛如悍少年  
飲酒至數斗不醉自力耕疾作終歲扃戶雖飲食讌

集未嘗妄過人與兄弟最相友愛至老亾間性慈藹  
喜噢咻人間爲賈歸輒出羨金載米塩繒絮諸物里  
之不振者稍稍賴之故與善齋公皆以好施彊仁義  
稱公居河干土瘠食指亦繁家故不甚豐自奉極薄  
有五子悉令爲農曰吾農家子世不廢業農之子恆  
爲農矣其敢習於媮勸課率厲日入不得休食脫粟  
飭噉仄瓠苴茶非賓至不設羨哉惟歲時築塲登稼  
則擊鮮肥飲酒一相娛樂而已蓋其勤儉真摯淳樸

成風有先民之遺軌焉卒年五十八





毅齋公傳

善齋公伯子曰玉鏞字用甫爲人嚴重有威稜性急不能容物好面折人過辭色直致無所同曲然卒以剛正能遠於怨處家庭嘗若賓至儀度峻整以禮汰見稱諸子不巾幘不敢前子婦女非節朔寧省不得出入過從闔壺肅清里中慕效之然皆自以爲不及也素有至性繼母嘗病癩親爲浣中藉侍數月衣不解帶未嘗言瘁其友序班楊會見而嗟異言於有司

給冠帶旌異之家濱河有小市貿販所集毋平其物  
所入量取直焉子弟或掠買致爭詬輒怒召戒于庭  
自取錢與之數擲酒肉破其釜以出曰若有父母不  
能具其旨乃私置飲食爲耶故雖家人嗃嗃而內外  
皆有統紀體貌相接遇無間言凡遊冶佻達群飲蒲  
博及爲口語相譏議者悉屏絕戒勿昵近其律身與  
責望人時或類於苛細乃終以此無所失里中人言  
毅齋公每出子弟婦女望見皆斂跡引避有所謂何

輒加訶責蓋以嚴而少慈故爲人所畏憚如此公行  
吉八子五人年七十七終公之世無敢踰檢爲非者  
至今宗人稱方嚴剛介者必曰吉八公云



大傳

卷之十四



默齋公傳

公諱玉鑑字明甫曾祖禮文祖順父宣並有隱德公少讀書觀古高士傳心慕之遂不樂仕進築室以耕性沉靜寡言人稱之爲默齋先生公咲曰是固善因號默齋焉子五人悉延師授讀曰人生何必仕宦要當使敦詩書說禮義而已常誦陶靖節詩旣耕亦已種時還讀我書又或乘小舟往來溪山解衣終日坐人無賢愚皆樂與遊家河上耕釣足以自給數周急

恤乏終不責報歲饑又輒出粟活人以故遠近皆依之每歲時則釀黍爲酒剖羊擊豕引諸昆弟故舊賓客雜坐以爲咲樂公每過人巾車到門雖子弟僮僕皆愛之留累日不返其在真自得和易動人如此娶方氏年各八十三同歲卒塋峻山

素軒公傳

公諱玉珍號素軒善齋公子公爲人性簡質厚重少  
文澹於榮利與人處終身無競口素啗遂以自晦未  
嘗置一城否雖固問謝弗應也善齋公子二人公季  
篤愛一伯氏析產後出入必偕卮酒榼肉必共里中  
社臘羣飲招公公輒問二兄在否或不在必闔戶不  
出由是一里長幼皆共咨嗟愛慕多喜譽之曰是吾  
里薛包姜肱其人耶有王生者貸公錢公詣其家王


留飲甚堅坐踰時不能供具遂謝去出發與之又嘗  
見童子竊梨樹上恐其驚而顛也反走俟其下令携  
之去生平寬以待物勤以厲己自力耕種植以給衣  
食餘則輒以濟人暮年猶秉耒不輟人或止之公舉  
鋤示之曰錢自鋤口出者長吾每見世人多貪以吝  
者吝生於貪貪生於惰吾非不知以勤爲苦顧以此  
致貪與吝則不可也年八十三卒

南岡公傳

素軒公有子曰南岡公諱文魁字克薦幼警悟穎秀傑出受書能曉大義然性豪不耐綴緝棄弗務曰志節氣俠聞於一鄉善裁決事無鉅細咸倚爲重焉里中黠少年或憑勢籍氣力訐持人陰事者悉捍禦不得逞尋解散去家故不甚豐雅好結納賓客造訪必泥飲盡歡供具累晝夜弗悛也由是人多譽之益以散財慕義爲事周卹貧困於彊禦無所畏避有兩奴

者畔公逃於浙之孝豐豐地僻俗獷莫能制公笑曰  
二憾往謂負隅勢足恃終遺吾禽無憂矣自潛往捕  
得之豐人百餘猝至擁公登樓勢甚危欲曰威懾公  
將脅還奴公徐出片語折之卒繫曰歸又嘗遇宴人  
於道察其舉止有異輒止宿其人家歷陽故豪士也  
避仇亡命夜曰情告公曰吾困甚今日窮投公獨不  
能爲廣柳複壁之事耶南岡公大喜更爲畱數日解  
囊贈之與結父而去公雖以才氣自負然素閱書史

嘗慕古義氣奇行欲效之輕財好施豁達無畦畛故  
能卓然流俗有鄉曲之譽焉年五十九卒








鳴甫公傳


鳴甫公者諱鳳古村公之次子也長老言古村公爲  
人質直亾所囿曲又好拯人困窮會其卒家無餘財  
諸子皆自食其力云公少時不能具中產纔有屋數  
間以古村公訓厲嚴憚故實於勤耕作營繕積數年  
有田十餘畝乃充農器督諸子耘獲播種以時畝嘗  
數鍾焉又取廢町墮諸場地疏泉剔穢列蒔蔬果擇  
其水草便利者養息雁牧羊豕歲收其入餘則以供

庖厨牢醴其事頗猥瑣人或譏其無成公爲之獨獲  
不資或慕效之亦終不能如鳴甫公故鳴甫公以計  
范之術雄於里中家大饒富始治居第交賓客解衣  
推食喜尚氣誼遂稱豪士鳴甫公每過里門見人之  
饑寒困乏者輒周卹慰勉之教以生計調若第爲此  
當無憂貧如其言利輒倍獲由是人益信愛之後數  
年鳴甫公旣老頗倦於勤乃歎曰歲月不居吾其當  
明止足之分矣遂放情山水間與諸故舊或族子弟

杖履往來嘯歌終日亦不復言理生之事焉年六十

三卒





太師濟太師... 孫曰衣不... 外言... 應... 之... 事... 無... 平... 六... 十

南峯公傳

公諱文富字克勤號南峯默齋公伯子默齋子五人  
曰文瑞文敷文達文執文瑞往來江浙間爲中賈文  
敷補邑弟子員公習農業搯作勤苦事默齋公以孝  
聞時出財佐諸第默齋公心益驩性嚴重寡言咲動  
作皆有恣子弟或奇服淫巧群飲爲博塞公輒怒能  
縮氣不敢出聲公雖起田間雅好觀書才智過人慷  
慨尚氣誼尤善心計以積穀資雄於一方歲大祲公

置酒爲會悉召族衆諸姻婭及羸獨廢疾者開廩分粟一日都盡又取諸負責券焚之子弟以爲言公曰丈夫當如馬少游衣食才足可矣必使困有餘粟贏有羨金眎人困殆且死弗恤乃非仁人明年朝廷以內幣征絲吏持檄責諸里供甚急郡太守聞公名召令督徵諸里皆洵懼遁逃絲價踊數倍官給半直公以里病卒難徵恐遂失期猷扑復不忍自捐橐中金數百買絲輸之官太守義之給公冠帶蠲其戶役由

是里中皆德公人有構爭或弗訟直於公公以理拆  
雖強禦無所畏或不服致諸官公卽偕之官太守縣  
令故知公悉如公言皆心折罷去由是里中益敬憚  
公終公之世無以事于有司者公爲人抑強扶弱周  
困恤乏人有急投傾筐篋無所吝里中豪及黠少年  
有所要索欲出其一絲一粒於匱不得也舊有宅在  
河上水決沙漲地百餘畝爲他姓所有公奪而還之  
以分族人又糾族衆建家祠於華村之陽興廢舉墜



經營數十年如一日子弟有才諳者義公所爲悉樂  
爲助故事嘗不肅而成然皆公指授之力爲多也年  
六十八卒初公未歿時嘗曰吾父子兄弟以孝友聞  
百歲後悉葬各異處乎乃同諸弟卜兆峻山之麓後  
遂同默齋公合葬焉

吳孺人傳

高王母吳孺人爲處士綠窓公女年十八嬪南峯公  
公方峻而孺人溫惠能左右之終其身相賓敬也孺  
人在諸妯中爲冢婦事皆諮以行而默齋公故繁於  
食指孺人躬執勞瘁指授皆有恣得舅姑驩南峯公  
嘗遇事有不合輒不能忍孺人從與其間卒無所失  
壺以外雖不與及其決策諸大事可片言定也性儉  
素無綺紈之服珠琲之飾而豐於餉賓客凡酒醢修

脯魚膾臠脂以供厨傳咄嗟而具極精腆能當人意  
故南峯公以好禮稱公嘗置田宅求售家向孺人告  
艱苦輒計其宜增之皆感佩輸情樂以業歸焉有隣  
嫗者老而貧數周之嫗內慚曰恐不能償奈何孺人  
曰豈責爾償聊以是相濟爾孺人雖富於貲然能其  
勞苦凡事率以身先未嘗鞭笞奴婢諸子有所訶責  
輒止之衣食計口授周卹亾遺由是內外皆德孺人  
事益治其能相南峯公以寬仁激勸得群力爲多也

子四人孫十餘人大父刺史公於諸孫最幼孺人獨  
鍾愛之謂是兒汝當貴初南峯公歿孺人嘗不樂柩  
鄉公每進養必攜刺史公侍孺人輒喜爲加七數勉  
以孝養勤學繼志焉年七十五卒後十六年刺史公  
舉於鄉



西溪公傳

西溪公者諱文瑞字克祥默齋公次子爲人質略無  
威儀與譚論直吐胃臆無所隱性耽山水相羊自得  
嘗遊於溪之西頭樂焉號西溪居士少時數往來吳  
中爲中賈有羸羨喜交賓客延師爲子授讀又慷慨  
重信義有所期約未嘗以言給人人亦不之欺也嘗  
宿逆旅遺金百金爲同舍生所得竟置弗問既登舟  
同舍生乃知爲公物急持詣公公咲曰何不自利其

人曰以公長者故不忍爾其至誠動物如此正德三年里中大饑流亾轉徙死者相枕籍有百餘人群聚叩門索濟族人懼其強虞變將引避公獨延入請於父默齋公開積賑之衆感德遂不復至焉族賴以定邑有黠吏貸公金懼理責思以計賺公公呼論之謂若無庸此固知若不欲償也卽焚其券吏大慚服其後乃憂不能爲買家益貧與弟松崖公同處一敝廬纔數間會公伯子宗濬補郡諸生不能修贄謁謝或

勸售其所居公曰第視吾貧尤甚宰相倚晨夕饗饋  
稍足賴也吾他往第無歸所矣古人重隣十隣尚不  
忍別去况同氣乎卒以田易直猶不足數稱貸以給  
寢食衣被悉與第同無間困約茹荼相顧怡然以終  
其身



卷之十



Faint vertical text columns, likely bleed-through from the reverse side of the page. The characters are difficult to decipher due to fading and ghosting.

松崖公傳

公諱文敏字克學號松崖默齋公三子幼岐嶷篤學  
日誦二千餘言弱冠補邑弟子員諸名輩皆器重之  
有聲膠序間比試諸生皆就公誦所爲文公輒記所  
爲文用高等薦就省試屢見擯抑或勸令輸粟爲國  
子生公謝之會御史黃公試士公不與選鬱鬱不得  
意益厭苦所爲遂棄去曰丈夫何乃溺志此耶計吾  
屈首事儒術十餘年間旣不能立功名以報朝廷亦

當築精舍以授子弟苟如是是亦足矣乃營別業於  
河濱養親訓子怡然自得終歲不至城郭家益貧賓  
客故人數餽遺之弗受也公恂恂儒雅而澤於道義  
事默齋公以孝聞兄弟五人皓首相對歡洽無間生  
平無狎語無惰容雖和易近人而對子弟則矜莊終  
日無敢犯有爭訟輒爲平之重建家祠申明約束戒  
族里毋得輕并有司以故遠近咸高公義稱仁里焉  
神宗御極覃恩郡國凡生員年高有德者得賜冠帶

邑諸生上公行太守嘉之有日少入黌宮頗厲上進  
之志晚其恬退遂堅終養之心守清貧而無媿於屋  
漏端身範而有裨於宗祊檄下忽遘疾卒時以公績  
學力行未究其志爲深惜云



Faint vertical text columns within a rectangular border, likely bleed-through from the reverse side of the page. The characters are mostly illegible due to fading.

東洲公傳

東洲公諱宗源字汝本南峯公子也狀貌魁傑有口  
辨能裁決事爲人所推服南峯公有四子公長次曾  
大父桐鄉公次東溪公早卒季弟尚幼故公與曾大  
父獨以才諳聞先是南峯公用賢能名聞鄉國郡長  
吏數加旌異給冠帶後數年南峯公旣老曾大父出  
爲樂平簿家政乃悉由東洲公公娶於方氏孺人爲  
冢婦尤能嫺內則闕無違言高王母鍾愛之東洲公

益得交賓客通有無不問出入歲時過里門裘馬鮮  
麗如貴游每談論搯腕抵掌牙角嶮出所至傾動都  
市里中豪強皆目攝之東洲公益自喜會南峯公爲  
父卜兆峻山將葬有某姓者思攘爲已有擁衆百餘  
人挾白挺將爲不利公奮臂叱之衆愕眙相顧不敢  
動卒從南峯公訟於官竟得直南峯公每見公爲輕  
俠嘗示裁抑至是益大奇之曰是乃能辦吾事耶初  
高氏嘗中落頗爲勢家所偵伺自南峯公以剛正豪

邁見稱東洲公及曾大父繼起有父風高氏復振公  
嘗往來江湖散財結客急人之難或聞人爲節烈奇  
行輒思慕效之里之饑寒者待以賑恤凡有爭構率  
取正焉公旣介特英毅負氣不能自下鋤彊禦哀鰥  
寡亾所畏避雖未嘗爲傾危訐詐之術然臨事決策  
動輒如神以故悍黠者皆相戒毋犯東洲公卒之日  
年六十餘鄉人稱爲義俠焉子四曰楠相極榜





贈文林郎桐鄉丞東潭公傳

曾大父諱宗漢字汝相號東潭南峰公仲子自默齋  
南峰兩公世隱於耕公獨業儒久之抑不得意輒厭  
苦棄去爲郡功曹郡太守重公能置左右從事諸曹  
掾亾得比會守臈獄公諷守勅獄吏護諸囚毋榜掠  
爲暴嘗假歸獲金於塗悉舉畀遺金郎稱長者尋進  
給南金吾史史故主金吾卒饒卒受饒率謹嗚公斥  
羨例鈞諸卒平其爭訟卒以此附公廼除饒州樂平

簿饒俗剽急公易以寬簡有所訊鞫訊已輒令罷去  
戒勿輕扞文網以痔錢鑄急公家賦爲重初治賦樂  
平故多里魁代攝魁嘗私簿內舍人爲姦利公悉按  
治之旬餘賦集發艘民亾病者又嘗視河南岸諸廩  
詹率平壤積粟易紅腐遂斥奉鳩工使就原坂且論  
諸里吾雖不欲以自爲名而累貽後人不可也丙寅  
遷桐鄉丞數興水利繕治城民戴其德而桐鄉故有  
兩丞御史中丞奏裁其一公當裁其一丞歿民叩中

承臺請公得補中丞遽許徙他邑民遮畱公遂自免  
歸自爲簿及承用勞績先後勞檄凡數十下例得遷  
弗就縉紳士歌其事而祖道者百餘人公曰吾向當  
需次銓曹以母故久弗往仕豈吾志哉公純孝性生  
南峯公歿時公季弟早卒吳孺人嘗不樂公色養備  
至撫季弟子棟爲己子孺人心稍驩初未有嗣禱白  
嶽屢有異徵生刺史公吳孺人遂鍾愛之公每進養  
必攜置側孺人輒喜曰汝見而父事我如是汝異日

事二人當如而翁也卒年六十七公修幹豐髯被服  
儒雅以孝友聞於鄉以廉能稱於官刺史公雋時公  
畧無喜色惟勗以潔已愛民故刺史公卒爲良吏


曾大母誥封孺人吳太君傳

曾大母系出吳氏水東舊族也夫人弱齡時卽端凝  
整峻識量明敏自巾幌履綦女紅饋食之事悉嫻習  
中法度里諸女或慕倣之輒不及遠甚父母有大事  
必諮以行繇是鍾愛殊於諸子年十七嬪桐鄉公公  
豪邁傑出喜交結賓客由郡功曹進南金吾史居雷  
都數年歲一告歸休沐而已壺政故由夫人出也夫  
人性嚴重雖御下以禮有過輒鞭笞不少貸牙嫗悍

奴皆咋舌失氣焉桐鄉公旣多賢豪之游賓至厨傳  
供帳咄嗟取具內外肅然不聞聲旣公以樂平薄遷  
桐鄉夫人悉借之官嘗勉公曰吏無大小以盡於其  
職爲可卽安毋以小吏爲貧取汙辱矣事凡興利便  
民者輒從吏爲之公尋以母老歸里士民送者數萬  
人太常卿國子祭酒屠公羲英方督學浙中聞之大  
驚乃爲其子孝廉公懸圭聘夫人次女夫人謂公曰  
君爲小吏彼族大非耦也屠公固請乃許之夫人初

無子以公母弟東溪公子棟嗣後公禱於白嶽年四十乃生刺史公初東溪公早卒家貧甚胡孺人撫諸孤志節彌厲夫人篤愛之歲時周卹餽遺不絕諸子等長大夫人力爲多夫人性嚴而不猜遇子姓諸姒皆有恩才智過人臨事決機卒亾有失爲婦爲母咸適於則時稱其有士行焉年七十一卒以刺史公貴封孺人女二塋城北五里敬亭之原





雲庵公傳

西溪公伯子曰宗睿字汝舜號雲庵少有美譽諸長老皆器重之西溪公廢著鬻財隱身魚鹽間嘗往來吳門京口瓜步諸處自好義數致貧困公纔有屋數間借叔松崖公分東西頭各止一處吟諷相屬鷄號晨弗輟也食惟脫粟鹽菜一縑袍易自出卒皆以文學顯先是宋人多勤本業者故弗競於儒術其能爲儒則自松崖及公始也公臨文有精思又強記頗好

綴緝家貧不能聚書數從人假讀連綴楮自手錄月  
盈帙遂能通史傳外家言尋致該洽焉嘗入郡與諸  
名士游從析疑譚藝無所詘服又喜窮經聞人爲專  
家學及有新意輒往受學盡其義由是試嘗冠諸生  
補博士弟子員顧數奇用高等入闈屢赴皆擯公自  
曰績學不得進志益憤厲爲學亦不少衰萬曆戊子  
以明經就試禮部治裝北上途遇盜驚而卒松崖亦  
棄儒隱居焉自西溪公至公兩世皆曰孝友著聲公

尤稱博覽雖食貧隱約居業頗勤在膠庠三十年以  
文相頡頏諸生未有能先公者然卒不得邀祿仕曰  
儒服終未免賚恨云子四攀霖彬杰

九傳

卷之十四



小川公傳

小川公諱楛字望之巨川公次子也與大父刺史公  
爲從兄大父待諸群從不異同父然特與公尤相友  
愛云大父游宦嶺南歷秦楚旣歸里小川公雖髮白  
猶顏渥赭強健如五十許人歲昔相過從數道生平  
事爲咲樂子弟執炙行觴侍終日皆欣欣然不倦也  
小川公少時事伯兄杞最篤杞負笈從師讀公率諸  
弟力耕疾作衣糧糗餌供具亾所乏經營十餘年未

嘗言勞生平不能持籌筭緡錢謹守筐篋及逐末爭  
利錐刀然能巨本業致素封頗治田宅時出所有分  
餽貧乏人皆德之又性仁慈恭謹有禮固農家然好  
寬衣爲長袖緩帶擬於儒者所與遊亦多士人賢豪  
也公嘗秉祠政用意平恕不矜苛細每以修廢舉墜  
息爭彌訟爲務雖悻戾傾險者亾所蹈瑕抵釁宗黨  
子姓或相凌犯有郤見公輒誦服自衰止皆雅重公  
度量卒相戒遵約束焉年八十六兩娶生子五人與

從弟攀並年高爵一級先是大父刺史公家居嘗數  
稱公有司知公賢欲令舉鄉飲賓公固辭衰老弗任  
趨謁且不欲以疎野溷長吏也蓋其冲抑恬退歸真  
返樸雅有足稱故能呂令名終





奉直大夫瀛臺府君傳

大父諱維岳字君翰號瀛臺桐鄉公子桐鄉公四十  
無嗣禱於白嶽有蓮炬雙花之祥家潭上常爲舟以  
濟涉者有雙鯉入於舟大父遂誕生焉幼穎絕目數  
行下工詩賦古文詞尤長書法旁及醫卜象緯縱橫  
兵家之言無不該覽與里中梅鼎祚沈懋學輩以古  
學相切劘弱冠領萬曆癸酉鄉薦己丑業冠本房會  
燭燼其牘以蜀太史黃輝卷易之凡屢上春官不第

壬寅爲雷州府推官單車至郡以興利除害爲已任  
案無留牘諸曹吏或持兩端有所嘗悉按治如法有  
重囚祈置寬典值伯父來雷省親候諸庾嶺伯父入  
言於公公卽日答遣之御史行部聞公名以公巡察  
海南諸郡公嘗薦新會令比還道出新會令遣驛吏  
以金盤明珠置榻間公怒詰之我以令才爲朝廷儲  
楨幹爾乃用此亂我耶令固謁謝終不見七月珠賊  
乘舟殺傷官兵甚衆賊逸將吏掩亾辜者以獻公廉

得其狀立釋焉一郡以爲神會太守以墨敗以公兼  
攝郡務郡有衛使趙某者淫克而狡數撓太守令懼  
罪謀爲亂公首請於制府誅呂徇雷俗頑獷殘薄生  
齒鮮少民間生子亦不甚惜每利商販資輒鬻去豪  
黠者或縛取他人子以牟利謂之掠賣前太守皆不  
能制公歎曰昔柳子厚傳童區寄知越人少恩信哉  
乃爲厲禁榜於衢擒其豪校殺之風遂息甲辰大旱  
公齋露宿禱三日雨公曰非百世利周覽地形循故

道開東洋三渠置堰溉田萬餘頃都諫甸南許公爲  
濬河碑記御史樊公玉衡爲隘海鴻渠圖冊紀其事  
於是大司馬總督兩廣戴公巡按御史李公先後上  
公卓異狀慰勞日至居亾何制府檄下趨公且以手  
書屬公曰瓊州地震城崩海寇蠶起非公才望莫可  
當此任者乃移攝瓊州瓊諸盜方鈞倭入寇約礦徒  
爲內援公謀知夜馳至清瀾海口張兩翼設覆賊大  
奔前遇覆夾擊大破之降礦徒萬餘人籍其強壯者

以益兵餘丁以助築城歲餘城完官舍學校皆次就  
理瓊人感公威信遮送泣拜頂沉香爲別悉却不受  
先是瓊有某守者以廉幹聞秩滿民各曰沉香一辦  
擲車中守曰此亦瓊物也命焚之民爲立焚香亭至  
是乃更立却香亭並峙海濱焉歸自瓊曰功見忌賴  
制府力爭得免遷鞏昌府同知兼督洮鎮兵餉茶馬  
事洮西陞巖塞東蔽湟隴公招番人置近甸立番學  
諸豪帥皆羈縻受約束邊賴曰安以裁抑鎮將爲所

構落賊居京師一年楚中柯落源盜起柯宗鈔譚福  
禮等流劫江夏諸獄逼會城柯落源故屬興國州廷  
議擇邊才爲州守臺省諸臣官公應震梅公之煥孟  
公養浩郭公士望交薦公起知興國州公懸賞格募  
死士爲間諜旬餘縛二賊於深箐中焚其巢時州人  
大俠吳廷光爲賊謀主公移兵圍其第執送獄中廷  
光賂江夏熊紳廷弼爲言不許又丐武昌推官孫有  
祿以請獄愈急有祿嗾按臣持之將曰危法中公遂

發憤自投劾歸是秋盜殺有祿於黃鶴樓楚人目爲  
天道蓋傷大父云爾大父才氣果毅吏事精敏所至  
屢立奇功以抗直少容故終不竟其用筮仕十年兩  
佐郡一典州牧篋無餘財居恆勉子弟以忠孝每談  
朝事有不如意輒撫膺太息其至性過人清介絕俗  
皆此類也卒年八十四所著有遠霽詩艸翠雲亭集  
及保雷平瓊紀略保洮八議興革事互察吏十辨觀  
天自識等書



明史循吏傳

翰林院檢討李澄中

謨諸城雷田

高維岳字君翰宣城人父宗漢為桐鄉丞有惠政秩滿以母老棄官歸民泣而送之維岳幼英敏工詩善書領萬曆元年鄉薦久不第除廣東雷州府推官雷俗素苦畧賣貧民生子游商輒誘取轉販番舶以牟利前有司不能詰維岳為設厲禁斃其豪十餘人風頓止有趙指揮者大俠也以姦利撓郡守權為民害憚維岳嚴明謀結番人為亂維岳密請於制府誅之旬月之間令行禁止民得休息時萬曆三十年礦稅橫征徧天下粵中諸奸徒亾命爭倚中官李鳳為暴人心洶洶巡按御史李時華以為憂適維岳入謁御史降階語之曰吾聞君名久矣即挾之隨巡海南諸郡維岳因諭以苛斂非朝廷意今巡方使者親撫爾行且奏罷矣奸宄稍戢亂乃解十一月廉州珠賊大掠濶州官兵戰敗將及雷城而知府以事罷去總督兩廣都御史戴耀檄維岳還署府事乃簡士飭械

以待數日有賊船數百順大洋而下維岳調鎮帥曰沿海四衛其能戰者僅五百人衆寡不敵也惟海康所上口地稍隘市廛輻輳賊入掠必於此扼之可得志今以制府標兵益公公但爲我聲援足矣遂令民以老弱婦女移內地家留一壯丁執長矛守之聞礮聲則齊奮而伏五百人者於海口夜半賊至登岸見空舍大驚礮聲四起壯丁乘之賊多中矛奔海口伏發夾擊殺溺死者無算生禽二十二人以徇於衆曰賊居窮島而能久爲邊患以奸商闌出米鹽諸物與之市也自今犯者殺無赦告捕者以其船貨與之由是島寇囚所得食皆潰去明年春大旱露禱於郊三日雨乃疏萬頃洋灌河故道又修等城西湖隄置橋閘以備蓄洩通往來歲溉田萬餘畝三十二年大計天下羣吏部議當陞擢者以清吏才吏循吏爲三格令所在察舉以聞廣東布政使蔡應科按察使李同芳等謂維岳兼三格皆優以其名上於是總督戴燿

巡按林秉漢交薦於朝命下考功知之備陞擢明年五月瓊州地震城堞廬舍皆圯九月水陸營兵以缺餉大譟時新罷礦稅礦徒五萬餘人聚於番忿聲言餉倭入寇總督戴燿會諸司問孰能往撫定者衆皆言維岳可燿喜曰是也是嘗有破賊功卽命攝瓊州事抵瓊諸潰卒皆甲而擁馬首訴求糧曰爾毋憂戴公已具粟十三州縣矣明日可詣府受牒往耳及期給諸衛弁牒各率所部以去一軍帖然乃下令曰貧民有能執版筭者食於官衆皆踴躍一月而城完請以副總兵鄧鍾駐白沙而選黎兵善射者爲軍鋒扼礦徒入郡之路諸礦徒皆思討斂兵自固一夕使人張榜數十於通衢曰礦稅病民極矣天下皆以罷礦爲快而瓊獨否以奸徒緣此爲利也然抗違明旨盤踞巖岨甌必亾遺種今與爾等約使負村勇者爲兵富年力者傭作有親識資財者許占籍開墾居肆貿易其餘願歸爲民者已具船馬裹石礮二港聽其北

渡其各擇便以從毋貽後悔於是去者什七惟奸商  
亾命尚餘萬人維岳喜曰是可脅而走也使鄧鍾以  
精卒三千屯山下指揮牛政率百騎舁黃旗植於山  
巔曰奉旨罷礦敢譁者族衆知有備皆奔散遂封礦  
崗而還時維岳已將受代忽教塲有飛火燔旗竿立  
盡曰是當倭警警必伺吾行後雖然吾終不可以煩  
新府君卽與鄧鍾等設方畧定約東而去去之日瓊  
人遮道泣拜皆頂沉香爲贈不受其後倭至卒用其  
計破之總督燿欲以邊道薦俄遷鞏昌同知監督洮  
鎮兵餉茶馬事洮西逼火節爲巖塞維岳首上保洮  
八議條畫戰守厚撫諸番豪族爲藩蔽邊賴以安會  
馬市有羨金二萬兩例歸鎮帥及監督維岳割之充  
餉帥怒以事相構遂罷之居一年楚中盜起僞漢  
遺孽談福禮柯宗鈔等據興國州之柯樂源流劫江  
夏諸縣湖廣巡撫張問達疏請選邊才爲州守吏部  
乃按考功薦單及萬曆三十二年所立三吏格皆維

岳第一遂起知興國州限三月報功維岳度二賊皆善飛疾鬪踞箐崗乘間竊發當以計取之一健卒事耳陰募壯士王興譚等十餘人爲間而使鄉勇明與鬻等分伏要害以伺之果三月而二賊皆就禽時萬曆四十年正月也巡撫張問達將上其功爲副使陳采所沮會采罷武昌推官孫有祿復受賄爲賊地維岳不勝憤唾而大詬之孫遂譖於巡按御史竟坐誣劾去是年八月有祿爲盜所殺楚人快之維岳屢立奇功而居官甚廉鬻產以給用嘗再監珠池一無所取既歸家益貧不以屑意遇時事有所不可輒憂歎或中夜起每自念生平以才見抑年八十餘猶欲上書自明未行而疾作卒年八十四崇禎中雷人思其功與前知府唐汝迪管象章並祀之名宦祠著有遠霽詩草翠雲亭集三郡紀畧察吏十辨諸書藏於家

寧國郡志本傳

高維岳字君翰惠連裔孫弱冠領萬曆癸酉鄉薦善

詩賦古文辭與里人梅鼎祚沈懋學輩爲敬亭詩社  
尤長書法片紙人爭寶之仕雷陽司李尋署瓊州會  
瓊地震礦徒竊發鈎倭入寇維岳伏兵清瀾海口夾  
擊大破之轉輦昌郡丞督餉臨洮招番人置近甸邊  
賴以安以抗直左遷興國知州興國故苦盜柯譚二  
賊據柯落源楚中大震朝廷限三月奏功維岳單車  
馳至郡立擒首惡賊悉平當事忌其功遂投劾歸維  
岳文學優長而嫻於政事屢立戰功家無餘財所居  
不蔽風雨晚歲詩文益奇梅鼎祚序稱其清越流雅  
天趣自然翰林焦竑每歎曰君翰誦詩達政有元道  
州之風其清節高致固可想見云著有遠霽草翠雲  
亭集保洮八議等書



王母誥封孺人羅太君傳

王母姓羅氏祖新城尉諱某父邑諸生諱衣錦並有  
隱德神宗三十五年夫人以恩封孺人幼在父母所  
早聞姆訓閑靜貞淑不妄言笑精書史女紅之事王  
父刺史公幼有雋譽珪璋國器曾王父桐鄉公賢王  
父才維繼序之艱思得婦之足與絜量齊德者既聞  
夫人之行大喜曰顧安得此福女亢而祚胤互莫如  
羅氏卽納幣定其祥夫人旣歸御卑幼以慈恩事尊



老以禮順自饋食外爲縫紉及剪絲結製皆有巧思  
曾王母吳太君性嚴急夫人婉婉曲望不失其驩故  
曾王母與王父恩遇尤篤諸姒姊姪率親愛亾所忤  
以賢而攻文備關雎之德初王父有側室曰劉孺人  
夫人憐愛如己女嘗疾病爲和藥具糜粥自撫卹之  
劉終侍無威怒之教焉夫人生二子三女劉二子一  
女教養嫁娶無異眎戚屬宗人罕得闕其厚薄爲間  
隲王父筮仕雷州司理尋佐鞏昌刺興國敷歷十餘

年夫人悉推劉以往戒侍王父惟謹而已自家居督  
耕織口誦經書授諸子治居第生產整理有序又嘗  
飾廢寺裝諸品經具衣絮藥物施困窮廢疾者爲曾  
大父桐鄉公暨吳太君資冥福人稱其孝旣王父以  
廉直忤權倖罷歸紆鬱不得行其志又好爲詩文工  
草隸四方名儒從游者衆方術技能之士悉出其門  
夫人飭厨傳治具僮僕晝夜不得休務爲悅公意勞  
瘁日甚先是伯子伯彥公覲王父雷陽道卒夫人哭

泣成疾至是忽大劇遂殂焉夫人出自舊族雖命服  
在躬未嘗事元厲和而逮下尤能卹貧窮儉慈孝義  
始於家終於夫族自內及外無少間穆穆如也年七  
十一與刺史公合葬祔曾王母

人悉誠慤及於其終王父辨端而曰曰


仰雲公傳

仰雲公諱攀字及之雲庵公長子幼有器局口授經書皆能了大義寡言咲沈深醇篤粹然一出於正既長就試頗見擯抑遂罷去攝家務佐雲庵公督耕織數貿遷諸物甲乙以時致贏餘其毳衣帛之供未嘗乏絕雲庵公不復問家人產益得肆力工文詞爲博士家言以績學舉明經高等皆賴公力坐是以孝養稱於宗後雲庵公歿諸昆倚公得誦讀爲娶婦田廬

稍廣析箸時口不言勞悉均諸弟焉尋總族政十餘年所興革咸中機互無所擾又嘗請於有司立家規條例率屬興行以睦俗維風爲務里有水旱疾疫輒噢咻之自解橐中資爲首倡勸富人出粟捐賑故菑癘嘗不至大困其立身外佻和厚而赴義常勇爲德務滋則卓乎有可稱者年八十餘神明不衰見人尤溫溫自卑下飲酒斗餘不醉言論終日喜慍弗形性質直不能飾貌干譽見者輒與周旋不能去自年高

賜爵一級卒之日九十有七幾百齡焉里中人多喜  
爲之稱說也





望雲公傳

公諱杰字秀之號望雲兄仰雲公竝雲庵公子公季  
雲庵歿時年尙幼旣失怙依母氏能事諸伯兄曰孝  
友得毋兄驪家素貧又不逮事雲庵公故不得攻儒  
稍壯強立有材能尤習勤肄自耕織樵爨之所需飭  
材庀具備且戒園場埒圈種植畜牧日時蕃息悉躬  
親酌其盈詘資產饒給娶方孺人尤能和內外克相  
助有成闕以內無違言初仰雲公任家督時用勤作



稍拓其先業後雖均授諸弟公獨推讓分財悉無所  
校其能爲素封則皆繇自致也頗篤氣誼喜推解雅  
不欲呂封殖自雄跡人困急等於身受饑者粟之寒  
者續之里之孤苦廢疾者皆得收卹貧者時倚爲緩  
急故咸高其義見人自持籌股脂膏及收責爭利錐  
刀致爭訟者亦時有所講解或以語侵之亦卒未嘗  
恚怒事報復焉居恆督課諸子爲門閭計光寵亾所  
姑貸又呂雲庵公事儒術賣志捐館舍故屬望尤殷

生平厚重簡質柔而忍耻目得喪毀譽歸諸命不競  
勝市名爲矯激刻深之舉率厲子弟自詩書稼穡外  
卽戒目循謹退抑忍辱爲先里中或能通輕俠爲駟  
猶及善把持人事者謝不使與近故家雖饒不爲人  
所忌卒以考終焉子四鼎彙昱星

九

卷之二



Faint vertical text columns within the main frame, possibly bleed-through from the reverse side of the page. The characters are difficult to decipher due to fading.


拱垣公傳

拱垣公諱隣斗字白衡號拱垣崱峰公之子也崱峰  
公歿時公誕蓋彌月云稍長就塾奉母氏訓惟謹零  
俸孑立力學爲制舉業人或苦之而公卽愈益厲曰  
某不才父賞志歿母氏早寡冀得沾升斗以養也願  
獨數奇試輒不得志於有司家日益落迺補邑兵曹  
掾縣令與公從事事常治諸曹吏皆解衣過效館飲  
博譁不止公獨儒服好與里中賢豪遊熹宗朝魏璫

用事緹騎遍郡國邑有亾辜數十人爲怨家構勅縣  
發卒搜捕公從容爲言得緩其獄會璫誅亾辜者得  
脫縣令以公長者益重公再掾刑曹凡有讞決縣令  
必召公與語公輒能平反之常從令眎獄獄中械繫  
銀鐐良地諸囚半瘦死公惻然遂條陳利弊十餘每  
夏月設糜粥冬月具衣絮獄吏皆斂戢不敢虐諸囚  
所全活者甚衆也久之除福州連江北茭司任數月  
以廉幹聞監司直指諸大吏皆得其歡心將置薦剡

值國變旋里以齒與德爲族所推公歎曰吾少孤爨  
爨依母氏束髮受書不能紆青紫令母氏色慄荻刺  
熊膏皆吾涕洟也自年三十爲小吏時未嘗阿縣官  
旨未嘗擾人錢未嘗出入人罪惟恐獲戾以辱吾先  
人今老矣祠宇不飭墓田不供譜牒不修獨非吾責  
乎初醮金纔得數緡公爲權子母十餘年間纍數百  
金諸務以時修舉蜡臘婚嫁皆有法度而端以譜牒  
屬余曰吾宗有子而廢先人行業不述世系不詳卽

他有著作曷稱乎易筭時語諄諄尤不置公性私而  
毅具才諧少涉書史通大義不緣飾以干譽不舞智  
以御人子弟有過未嘗面折然卒敬憚不敢爲非年  
七十三卒子三日日燧曰日煌季子日照尤傑出云



鎮川公傳


公諱思元行英一號鎮川軒一公之長子也初軒一  
公有子五人家極貧才餘數椽焉公於諸子長而賢  
有才能軒一公心識之易簣時彌留旬日絕而復蘇  
泪承睫不下若將有言者公跪請故軒一公歎曰吾  
窮老困憊且死於世无所戀獨恨無尺寸自遺汝  
曹汝今幸有室諸弟皆壯大未婚吾死後勢必不支  
吾爲不瞑矣公泣慰之曰大人第無慮兒不才稍能



自振所不與諸弟共者雖九原亡相見期軒一公一  
咲而卒旣塋鎮川公乃課諸弟耕自貸人錢爲賈歷  
燕齊吳越諸都市舟車南北經歲不得休賈常三倍  
坐是家累千金乃出橐中裝爲諸弟娶婦治田宅置  
酒高會徧召賓客故舊徐出簿籍自取其一餘悉以  
均諸弟且戒之曰吾力疾江湖數十年日有此恨父  
不及見也願爾無忘父初歿時諸賓客故舊皆大喜  
感歎嗟異由是義聲聞於里中順治己丑公晨起日

鹽櫛焚香端坐無疾卒年八十五鎮川公修頰疎髯  
長六尺餘孝友惇篤信義自矢雖童稚不忍給幼貧  
不能爲儒然有巧思決策竒中能甲乙諸貨故貿遷  
所至每獲不資其至性過人取與不妄有爲士大夫  
所不及者公嘗過京口逆旅徐氏值兵變倉卒委百  
金去徐素感公自持詣還又嘗渡江舟覆溺水忽有  
一舟遠來載以免其人自云某昨宿一處夜若有鬼  
神相驚擾者達旦不得寢因兼程進偶值得救爾其

異如此時以為德報



潮州府照磨見吾公傳

公諱思賢字德甫號見吾雲山公長子爲人倜儻有  
幹畧幼偕其弟哲竝攻儒雲山公歿公任家督廼不  
復事儒一意講計范之術又饒有心計力穡服賈數  
規竒贏焉娶貢孺人以勤相勗椎髻搯作督諸僮奴  
媵婢織紝緝縉暨漿酒棗脯鹽鼓之供織悉皆有法  
家日益豐公嘗語孺人曰人生不能取膻仕席豐腆  
車騎聲色之娛亦當小有成立今吾與若庶幾日勤

無墜堂構乎公既雅具才諳雖絕意進取然實自終  
身隴畝爲耻歲庚子乃出其橐中金百斤治裝遊於  
京師自入粟例需次天官授福州府幕職公故習文  
墨嫻於吏事太守有所訊鞠檄公推勘皆得情太守  
益喜會巡撫都御史黃公撫閩記功員缺太守薦公  
往踰年凡徵發芻粟犒軍饗士悉置簿籍鈎考胥吏  
無所中飽府中諸將領皆得其驩數上功幕府中丞  
呂公能令督造全省弓矢檄下丁母艱告歸中丞特

留公董其事事竣趨赴北部司空林公面加獎諭給  
銀幣有差服闋補潮州府幕公自積勞數年爲小吏  
間關嶺海雅不欲行比至郡太守樊公數召公計事  
頗見親信會郡大紳吳某者與太守有卻語侵太守  
太守乃按吳陰事處分過甚而吳故大有氣力謂公  
希太守風旨有所主使以事中公罷歸公修葺豐頤  
善談論通世務能其勤苦躬自刻勵居宗黨間居然  
諾取與見稱課子授讀無虛日暇則庀農具葺廬舍

治溝塍呂故家雖富田宅畜牧之饒皆以勤自致爲  
吏數年未嘗有贏餘卒之日遺券盈篋亦不之取也  
殆所謂富而好行其德者與年八十五子五人羽明  
羽聖羽麟羽文羽世

伯父伯彥公傳

司李公伯子曰思羨字伯彥伯彥公爲人醇謹有至性狀貌如處子口無飾詞與人言必吐心對或詰之卽頰頰不能出聲年十七爲邑庠生壬寅省大父雷陽行次庾嶺有黠吏持重囚金餌公公長者弗察其情頷之抵署從容爲言大父性嚴毅卽日斥遣歸公自以千里覲親不得一日侍左右又爲吏所給失親懽愧悔怨慕若將不勝道出南昌遭疾卒娶貢氏生



二子曰大年大舉司李公守興國時大年年十八大  
父痛公之道亾也遣使迎大年之興國至九江舟覆  
溺死焉大舉亦等卒余聞之先子曰伯彥公孝友和  
厚處兄弟宗党無違言然卒夭死又殄厥嗣蓋於是  
乎無天道云

凌雲公傳

玉臺公附

公諱思侗字良甫號凌雲少潭公三子也弱齡倜儻  
有志畧稍涉書史通太義喜尙氣誼輕財好施嘗慕  
古竒節偉行思有以自見里長老皆器重之會少潭  
公早卒公侍母氏最謹以貧不能具其旨輒棄去爲  
賈江湖間數致竒贏焉公娶於吳氏吳氏有崇憑人  
擲瓦石壞人廬舍公適往候正色叱之卒亦無他里  
中少年皆驚曰公長者乃能如是耶愈益重公公旣

以豪邁自許見人或持籌算緡以駟贖給人者輒恚  
弗眎曰是庸奴下材爾卽奈何與若伍又嘗值歛商  
於道敝衣涕泣蹶躄不能自振公召問故其人故富  
賈也遂延至家厚給以資後數年忽夢歛商持金詣  
公致謝公心異之次日有市馬者隨一駒駿健殊於  
常馬過公第嘶鳴不去客乃請減值售之公爲人守  
正嫉邪有所與於人未嘗責償雖不喜飾名譽然搯  
履高潔屢有異徵稱篤行焉子德清懋清德清字時

易號玉臺繇文無害歷兵曹史授嶺南澄海簿尋攝  
縣事以才諳聞旣縣令劉琪至以與公有舊深相倚  
重會太常卿陳良弼之子曰星昇者怙勢不法數暴  
其邑豪王貫日日憤甚航海連結海寇數萬人將逼  
邑城公往招撫勢不能遏琪大懼懷印綬亾去以城  
委公亾何賊大至執公脅降構極榜掠不能屈士民  
哀之乃輿至大埔以勞瘵受楚數日卒葬官坑方寇  
之初至也長吏鎮將所過望風奔潰亾匿山谷公獨




明宇公傳

明宇公諱思安涵之公之次子天資謹愿人也貌寢狀不能踰中人退讓如不勝衣與人交溫然終日無臧否里中兒以公長者或貌敬之又或反爲媒媪以語侵公至不可忍明宇公輒大咲而去其人尋改容謝公復與之處亦無忤也然每遇大事輒能辦其誦直衆人洶洶沸湧若將不克明宇公若爲弗聞者待其悟徐出片語解之亦時有所匡救焉浮沉里中數

十年晦跡商賈人亦不之識但以其和厚善同人皆  
樂與之遊而已性喜佛老言等以多病斷棄酒肉爲  
方外之交時遇蘭若精舍雜諸緇衲習梵唄持浮屠  
戒志行精苦人或譏其癡明宇公亦終不爲止其爲  
賈在江湖間所齋甲乙諸貨亾論精物值市易嘗減  
值求售焉或牙僧有所侵牟明宇公亦置不問諸賈  
人皆病之公曰是固然吾不能爲若較短長以取厚  
利終身儉約衣食才足而已明宇公早棄儒服隱身

魚鹽晚節留心佛乘隨意所適不求人知至其恬淡  
冲退守雌處錚殆有似於聞道者年六十一子四曰  
增閏泰來





先子澹寧公傳

勅贈翰林院檢討

先子諱思謙字六吉號澹寧司李公仲子少懷竒負  
氣飾冠劍卓犖自喜司李公鍾愛之初受毛氏詩春  
秋左氏傳尋讀老莊好其言文益滉漾跌宕諸老儒  
故俎章句對偶不能卒讀皆病之御史至郡試士士  
各守帖括尺寸不踰公耻隨其後乃入京師遊太學  
禮部尚書朱公之蕃爲國子祭酒一見竒其文勉之  
曰士當學爲應制體才足取青紫而已夫苦縣漆園

之言誕而不適於時雖鞭風駕霆擾龍伐蛟無益也  
比入關輒落遂發憤悉焚所爲文自筮易得天山之  
爻歎曰昔康樂稱徐備長少無宦情有箕穎之心茲  
吾志也敢徵易乎且世率昧瞶吾文不見庸卽不得  
由他途進陵陽之左山曰陽坡爽塏可以登公置別  
業焉疏泉剔石列奇鳥桺沙棠嘉卉美箭相錯映又  
種茶萬本聚圖書金石諸錄數千卷每登眺隍詠曠  
然自適性好茶愛石嘗手書陸羽茶經置奇石百餘

各爲文以記之書學李邕能作徑尺字顧獨靳不輕  
爲人書也公家貧而好施性慵而喜客日晡屢盈屏  
外或浮白鬪茶投壺散帙或賦詩爲文章登山踞石  
隨所好人滿意去客有所求索耻以亾爲解里有劉  
生者與公善嘗貸公金歲禊公復傾困粟與之劉生  
至公輒飲以醇酒懜數日終不復理責劉生顧益喜  
乃日造公宗党親識至積券如邱山弗問也晚歲披  
閱道書浮屠家言扃戶斷酒肉非素所好或衲子及

黃冠師不得通焚香危坐終日嘗慕陶潛白樂天之  
爲人攜其集置左右間效其體爲小詩以自娛年七  
十二卒有澹寧子集四卷石林雜記二卷

先母張孺人傳

勅贈孺人

先孺人張氏侍御史象川公孫光祿署丞依軒公女也孺人生而柔惠笄而仁孝逮事王父母時家婦以痼疾廢孺人用介婦司壺職盡於其道王父刺史公嚴峻持禮法每節朔諸子束帶候寢門諸子婦主饋食膳後乃退孺人歎勤謹無有失年十九事先君澹寧公公家不能踰中產食指數百於時王父方爲廉吏俸錢纔自給而已又惡聞人言田舍事澹寧公有

磽确田數十畝皆曾王父桐鄉公遺故嘗乏絕也孺  
人躬執勞役廣峙積自布泉米鹽蔬果雞豚之蓄劑  
量適於匱又能計大事動中機要公嘗置漕田數百  
畝歲病潦孺人勸令築堤置堰爲蓄洩歲收穀千鍾  
資大饒富澹寧公益得端經澤於文術治別業交結  
賓客孺人力爲多也孺人庀內事事悉辨治然未嘗  
爲嚴急教答立威諸子有過則摘發亾所僨生四子  
三女余最幼生時孺人年四十四甫六齡受讀日能

記萬言孺人喜益鍾愛嘗受教曰兒故當貴恐不待也數慰勉焚膏繼晷不稍輟又嘗述古列女事及爲剪製縷結賜諸女後諸姊氏皆以賢能執婦道稱里有凶荒喪疾詣告祈哀輒解衣出簪珥爲助故終身無綺縠珠玉之飾食不具羨馘惟以奉尊老賓客及飽孤幼而已孺人初七舉皆女數亟請於澹寧公置勝婢公以相賓敬弗忍諸嘗飮惠澤者皆祝孺人生子後乃連舉四子焉年六十有四先是外王父待御






仁寰公傳

仰雲公三子曰仁寰公公諱思邃字養宸先是仰雲公以寬仁恭謹享大年推宗人長公守其教有父風時固稱公兩世皆長者云仁寰公少時業儒弗售去爲賈十餘年在江湖間以道義自將數與賢豪相結納未嘗釋儒服雜諸牙儈故所至不能牟重利間有所得輒持歸奉仰雲公介其驩仰雲公爲家政有所處分公能左右之卒以無失處諸昆季能柔忍固間

終其身相慕悅也公私讌集雖素相識未嘗置臧否  
蘊籍深厚頗爲人所敬禮尋以多病戒酒肉終歲扃  
戶不與人事尤好浮屠言家居自盥櫛外梵唄之聲  
不絕然亦不爲怪異滅性之行其爲人自壯至老寡  
嗜欲澹于榮利不任智術不飾名譽能簡約其岑寂  
故其言行壹以退讓爲先見人露才揚短則引避謝  
弗遑遇事有可否不當意領之而已平日訾吝者卒  
與相值亦無忤也嘗謂人曰先儒有言居鄉則以困

苦不若人爲哲實其言殆賢矣乎






炬兩公傳

公諱羽明字時化號炬兩見吾公伯子見吾公家素  
饒富然課子最嚴有家法有所規畫間持籌理錢穀  
權出入悉不令諸子知用是不復措意生產得專經  
攻制舉業寒暑罔間與師友相切劘也公數困童子  
試志益堅肄習精苦歲乙亥偕子映璣俱補邑弟子  
員見吾公色喜爲加七日若父子第階此無墜厥修  
用儒術起家其庶成而翁志居亾何映璣以瘵卒次

子映薇復殤以痛悼過甚嘗忽忽不樂遂絕意仕進  
浸不復爲文杜門隱居以書史自娛而已性孝友醇  
謹恂恂退讓未嘗見其喜愠之色居恒以禮法自持  
遭母喪瘠毀蔬食三年哀慕如一日初見吾公以訟  
爲里中豪所構有司持之急迺悉出其貲數百緡爲  
解又數涕泣請於父謂此固桀黠利吾財有財以衛  
身毀家以紓難孰與使刀筆吏捺其短長所得亦已  
多矣卽傾筐篋不當有恡見吾公躉其言里中豪聞

而慚稍稍引去由是人皆稱其長者年五十益好清  
淨樂施與頗與羽流釋子爲方外之遊有所陳乞悉  
無所靳人有負逋以情投未嘗以理責失其驪與人  
處無少長咸加敬焉進退居處皆有常度故無儼急  
浮薄之習宗黨內外亦罕有怨之者年六十七子四





君茂公傳

曰一麟者字君茂父思弼弼四子長二子先卒遺孤  
三人悉小弱不能種植零零俦俦皆依麟麟家無斗  
儲稅田以耕年終輸穀王者食嘗不足至捃拾以給  
值歲禮計不俱全麟痛伯氏之亾恐遂不紀也自鬻  
其妻育諸孤躬自樵爨以給頗極勞瘁諸孤尋長大  
麟遂不能復娶焉卒無嗣族人義之取其一孤爲之  
子其可哀矣乎蓋天道遠而難知者也余嘗觀晉郗

公鑒遭亂饑困鄉里傳共食之自舍飯歸哺兄子與  
其甥郝公卒甥爲心喪三年是猶以德報也鄧僕射  
過江時倉卒避難棄其子而存其弟之子後竟弗嗣  
今古有餘悲焉然皆名德貴臣讀書識大義者爲之  
若麟起田家辛苦保妻子苟自全活爲幸迺能如此  
此其高義至性足禪倫教者故載

伯兄晏夏公傳

兄諱遇泰字晏夏先澹寧公長子也貌魁岸有威才  
氣駿雄弱冠補郡庠生試輒高等爲文沉鬱激壯眎  
同輩罕所推服每與余篝鐙談藝輒往復彈射達丙  
夜不休伯氏夏以爲快壬午偕余就試留都余已得  
雋而復屏伯氏迺搯腕相持泣數以言慰澹寧公曰  
弟負雋才終不當碌碌膝下也然性剛急少容人有  
過嘗面折之素不能飲值讌集酒數行卽劇譚古今

得失評騭人物間有所短長意氣勃發傾困吐胃臆  
無所忌一座爲之色沮澹寧公雖素鍾愛迺以此愈  
嚴伯氏欲令自貶損故每事示裁仰焉伯氏既豪邁  
恢奇又卒不能自下凡五赴省試皆不得志益鬱鬱  
發憤思有所建明每郡邑利病數率諸生論列語過  
激監司大吏皆優容之蓋伯氏辨論既慷慨雅中機  
宜卒亦知其無所徇也以故里中益推重伯氏遇事  
有難爲或艱大并投裁決排解罔遺餘力見人持兩

端有所嘗或局踏如轅下駒輒詬厲唾猶泥滓生平  
以廣交游重氣誼爲事果于自任不避患難辭勞肆  
凡傳會取容規時擇便之智悉耻爲之兄雖未都通  
顯然其天資英敏橫鶩蹕厲亦足以豪辛卯七月遵  
暴疾一夕卒年三十八有詩數十篇皆奇麗可喜自  
題曰讀騷居集今佚焉初娶沈氏生子二曰表曰雋  
繼李氏皆先伯氏卒後復娶張氏生子曰聿曰肅



大母沈張兩大母孺人合傳

丙辰重  
修增入

大母沈孺人先大父平山公元配也父諱壽嶽字巨  
山任登萊道孺人生長右族及笄歸大父諸凡酒漿  
之事皆臧獲任之不時之需外曾王父復給之故生  
平無拮据之勞茹荼之苦無祿年二十八生二子而  
卒外曾王父痛孺人早亾貌孤無託思爲繼室者不  
易因介之娶其同門于湖銓部張公諱一如女則望  
大母張孺人也孺人嬪時大父年已三十兩世父各




十餘歲孺人待之不異所生俾從師授讀亦生二子  
一女長則三世父次則余先子也先子生七月而大  
父見背大母哀毀備至時家道猶豐而居城市伯父  
多爲市井所餌遂致中落大母恐二子亦習於偷命  
遷候潭鄉二年大伯父元妃沈伯母又卒而大母復  
以舅沒姑老之義自處遂思娶子婦以主中饋而三  
世父與先子皆後先有室此十數年中衣食婚娶雖  
大伯父經理然皆吾大母有宵靡旦飲泣茹哀出笥

中箸珥之費釵釧之餘勉爲措拄噫可悲也已後余  
受知督學太母委頓床褥者已經年矣乃喜曰幸我  
猶及見汝成立也不數日以不受藥卒年七十有三  
沒之日有孫八人曾孫一人

九

卷之十四



外之日亦將人人曾將一人

附其具也風立也亦其日以不受樂卒半寸寸三

受以曾學太母受則其極深也其學矣以喜日其


中法世之費也其人之法也其法也其法也其法也

小武公傳

叔父叔昌公次子曰永清字小武大父刺史公第五  
孫也大父孫七人遊于庠者五兄稍後年二十爲邑  
諸生叔昌公素嚴諸子兄獨以介子得叔昌公驪甫  
弱齡卓犖有志如成人日能誦千餘言旣爲諸生有  
雋譽銳意進取益自修飾刮磨䟽剔爲文辭晝旦夕  
且遇自謂必參時彥崇禎壬午省試罷歸出所爲文  
嘆咤久之稍厭對偶制舉之言聞好爲小詩有警句

輒自喜乙酉楚潰兵經郡入浙山寇乘間竊發焚其  
廬兄奔播兵燹中生計益蹙又率困守一弟子員  
所得遂落拓不事日引所親閉門泥飲散髮酣適徹  
晝夜又或風景溪山獨往岸噴吟詠一寓于酒自擯  
棄世務爲放達人亦莫測其意也坐是得疾吐血數  
升醫眎之戒令止酒迺愈憤懣不可制有所抒寫輒  
命酌飲終弗輟壬辰病劇輿入城止余比舍余往候  
之兄嘆曰吾固且死柰二親何自讀書學爲文二十

年亾所樹立故常鬱鬱以自放廢沉錮至不可療又  
卒無子吾之罰固不及不祀也越數日卒兄爲人落  
落無可喜寡交游與親密者纔一二人素有酒癖每  
私相過從飲噉則諧譚竟日其所爲詩亦不以示人  
故皆佚存者僅數篇有一女適南頭汪



[Faint bleed-through text from the reverse side of the page, including characters like '不傳', '卷之十四', and various vertical columns of text.]


體仁公傳 西祠

福七公諱福字體仁禮仁公三子也禮仁公分祀西祠西祠皆宗禮仁公公生子三長道次宗其後稍凌替不振惟體仁公之後蕃衍殷富兗數十百人故西祠又多宗體仁公公云公固農家未嘗習書史群從子弟皆喜俠任氣蟄臘社丞輒囂競不可制宗人皆病焉公輒以事繩之動引禮法諸子弟始知警畏或徒跣及敝衣冠即不敢見體仁公值讓集執炙行觴拜



跪侍立必以序體仁公在座故輒不樂稍稍引去或  
群飲巷陌間卒不使公知公亦卒公所寬假焉體仁  
公少孤貧及壯才能爲中賈故舊親串頗狎易之公  
行且罵曰若以我高氏無人耶自力耕爲賈益厲又  
能明種植之術所藝蒔皆有巧思嘗獲厚直家累千  
金初相狎侮者乃更嘆異加敬禮公殊不顧族有凶  
喪札疾多所拯救亦未嘗有德色諸子弟初不便公  
者至是皆訛服焉以年高爵一級給冠帶年八十二

卒體仁公落穆無可喜特周慎嚴整習禮汰其勤肆  
性不喜合塵譽自農園外亾所問歲間一爲賈而已  
有四子悉教以勤以身爲勸今衣食饒給者多體仁  
公後云




胡孺人傳

胡孺人東溪公元配也東溪公卒時年三十子四人皆幼小云東溪公諱宗潮爲曾大父桐鄉公弟才雋練習吏事由郡功曹掾吏部居京師數年結納賢豪任俠自喜會卒孺人毀容慟絕誓以身殉然特以藐諸孤故得復稱未亾人而東溪公性素豪室不蓄擔石孺人日含淚哺諸子爲門戶計自徭稅喪葬婚娶誦讀諸大事細而米塩酒脯布帛之屬悉以時調度

備諸艱辛曾大父尤憐之每嘆曰吾弟早世田廬不能具饘粥以是相累今得婦若此弟爲不灰矣乃以其四子棟爲已子餘諸昆悉兒子畜之孺人雖躬自緝績縫紉搯作無間迺更以繁于食指時有乏匱曾大父輒助之數取給焉曾大母待諸姒家有恩然雅重孺人搯行故尤篤愛飲食衣被朝夕與共且數十年如一日曾大母之歿也孺人泣泗抱大母相持訣大母遂絕孺人懷中其親愛真摯如此今東溪公子

孫蕃衍且數十人皆曾大父友愛之勞孺人志節之  
報也東溪公以早卒行不慨見余嘗見其遺像贊云  
君才既富君貌又揚人皆期以萬夫之望胡溘先朝  
露而年不登乎仕以強膏以明薰以香雖蘭催而玉  
折固將與顏子而齊芳其丰采固可想見而孺人卒  
以節顯固兩無愧哉




郭孺人傳

郭孺人者俊之公元配也孺人貞順而敏于才有所規畫悉出人意表俊之公無儋石之蓄卒以此免于困里諸嫗或素封者皆自以爲不及也年二十九俊之公歿遺二孤才八九齡弱不能種植斃斃子立皆仰給孺人焉或將奪其志孺人矢之曰吾爲高氏婦食貧茹荼十餘年遽罹酷烈命也舍此又何適乎苟不卽死他日使二孤以少有成卽偷眎息人間實足



慰死者地下矣乃一意爲門戶計敝衣蓬垢嘗并日  
食或憐之有所餉孺人亦亾所受躬織紝及爲樵汲  
以相全活而已既二子稍長督之耕歲收其入家稍  
裕乃改葬俊之公爲二子娶媢徭役以時婚嫁以禮  
次第取具二子故亾所問皆出自孺人里中稱其能  
自俊之公早卒孺人獨居凡五十餘年年八十執勞  
搯作如一日里中水旱凶札悉有備不能爲害卒之  
日先世田宅質于人者亦稍稍得復焉是固不僅以

節著者子思怡思悅怡早卒悅有子三人





汪孺人傳

永之公正室曰汪孺人汪氏世居南頭故雄于貴俗  
競爲華侈有亾相耀孺人生而貞慧歎好儉素習勤  
作群從諸女弟或爲炫服靚粧相攜持宴遊疾弗眎  
也侍二人出入必偕父母尤憐愛之旣笄歸永之公  
公素窶貧力耕不足具饘粥又嬰痼疾孺人安之居  
室亾違言侍病數年數出承珥致藥物飲食未嘗使  
公聞且恐知匱乏傷公志也公感其意疾革時頓首

楊前孺人號慟誓以死守公已不能言領之而已既  
卒孺人絕粒毀瘠委頓而甦者再以子尚幼諸宗人  
皆慰勉之乃強起復食晷含殮塋具皆能成禮孺人  
泣曰先夫無儋石之蓄未亾人猶偷晷息人世勉襄  
大事敢不惟力是視如營繕以佐孺子尚誰恃耶乃  
敝衣蓬垢躬爨汲縫紉及爲捃拾呂相全活見者哀  
之時孺人年二十許也孺人既耑家務備諸茶茗積  
數十年然饒有心計凡所規畫悉中機宜自耕織外

婚娶諸大事目次就理後遂饒裕稍拓其田廬卒之  
日年七十九子二日思功思勛孺人臨歿時戒勿以  
事聞于有司故不及旌然賢能貞孝必首推云



Faint vertical text columns, possibly bleed-through from the reverse side of the page. The characters are difficult to decipher due to fading and ghosting.

何孺人傳

拱垣公母曰何孺人處士普一公女也幼在室以善  
事父母聞性薄紛華屏纂組不御及笄事前峰公克  
執婦道以柔惠小心舅姑咸喜之內外人違言初其  
峯公兄弟三人伯明經雲庵公仲文學一亭公竝以  
績學聲噪里中公復英敏負才氣相後先既乃坐困  
童子試頗憤懣不可遏孺人輒援古龐陸諸名流慰  
之曰與子偕隱終不以一日浮榮濡首溺志取困辱



矣乃衣犢鼻餽脫粟孺人椎髻捺作隨其後前峯公  
大喜遂忘貧旣析箸孺人勸前峯公相斲于讓或境  
田與奴之羸者孺人輒取之曰是宜穀是閑吾事者  
故前峯公處伯仲間終其身猜間不作皆以此多孺  
人未几前峯公卒孺人年二十九拱垣公誕彌月矣  
孺人撫拱垣公慟絕將殉焉諸伯氏固不可曰藐孤  
尚存夫子百世之祀不更重乎孺人素識大義乃強  
起就食攝家事雖備嘗諸荼苦然有處分雖舍卒悉

得當也既拱垣公壯由邑掾任文無害涕泣請予有  
司先後兩族其間年七十三卒余嘗聞大父言孺人  
志行云當前峰公歿時家壁立遺胤如綫孺人能拓  
其先業外侮不作育其孤以有成爲人所難然卒得  
請于官至被旌異此固其食志節之報者哉子拱垣  
公別有傳



公限不辭

滿于官至致致異出因其介被論之請若始守其

其衣業於辭不非自其應以自致論人似擬辭卒

若其云當開糾公致報泉聖立度除時賦歸論人

同於外兩賦其間平十三卒余嘗聞大父言源人

野高也其時里公坐由母景拜文無害第其前于

陳孺人傳

孺人爲陳氏世居下西筭而歸于承南公公諱杓字君美承南公捐館舍時年三十八孺人生蓋後公一紀云孺人貞慧敏給幼不事嬉戲旣嬪公公故不善生產家壁立畧無儲粟纔餘數椽焉公有四男子長三人悉弱其一子故方在孕也里長老及諸隣媪度勢且困將奪孺人志孺人日抱諸孤泣曰先夫甫及窀穸室有老姑抑諸兒且熒熒就哺也姑弗能養諸

兒若弗材惟未亡人之怨烏所藉口而委諸乎于是  
聞者咸共嘆異顧以此益難孺人孺人乃自毀敝衣  
搽作嘗并日食饜糠粃私置其毳旨蓄奉其姑王孺  
人王孺人竟不知家故窶貧亦不復問有亡積二十  
年有愉色亡怠容孺人嘗昧爽起至忘盥櫛拈拾爨  
汲手爲皸坼弗惜也又善縫紉爲紡織緝縷篝鐙恤  
緯機軋軋達丙夜不休其後遂致饒裕諸子亦漸壯  
大能耕田及爲賈孺人心甚驩乃爲諸子以次娶嬪

凡四納幣親迎諸禮節悉力營繕豐嗇皆中度力裕  
如雖素封有不逮生平未嘗侈服飾宴游或長過人  
飲食以慣于勤故至老不能自逸尤以身爲諸子婦  
先諸子慰之弗能止也嗟乎夫孺人丁時備諸艱以  
健持門戶一手足力憂虞况瘁數十年撫諸孤拓其  
先業以克有家室也其事故足傳此其不僅以節顯  
者崇禎中里人聞于有司旌其閭孺人亦賢矣哉

洛陽中里人關于休匠其間數人亦復

其樂以京洛流室此其專攻五事以其不童以

對林門曰一手只仗其氣以容幾十半無清

夫苗于樹之與樹也此與乎夫無入下却

燈食以對于僕姑至步不崩自感天以具

映繼秦桂休不悲坐平未嘗必眼論寔

其四餘謂陳陵高歡請悉代營盤豐



叔母麻孺人傳

叔母姓麻氏祖處士公相庭父太學生東園公爲山西布政司幕官未任卒其伯叔祖多有仕于朝者稱右族焉孺人幼習姆訓韶婉閑淑奉二人左右無間東園公未有胤嗣以孺人克孝眎如子故有鍾愛及笄歸叔父叔昌公叔昌公方攻制舉業篝鐙下帷孺人紉箴佐讀達旦供具不敢言勞故叔昌公聲震然冠膠序間事大母羅夫人尤能當其意夫人喜曰新



婦大賢是能辦吾家事者由是內外翕然譽之會伯  
母貢孺人有廢疾不能司壺事失大父母驩孺人及  
先孺人嘗護視之飲食衣藥以時致卒亾所乏絕自  
酒醢椒桂之需牲牢之畜孺人悉以身親必戒必腆  
叔昌公家居頗盛賓客游從輻輳厨傳供帳之費取  
具不易孺人能先時調度之以整而好禮稱孺人性  
寬和而叔昌公剛介特立族惡過嚴或宗人有所凌  
侮爭搆卽不能忍又或鞭撻奴婢及小有誑誤孺人

輒爲悉力營解數慰勉之曰是庸足傷我乎忍之須  
臾乃爲子孫福矣叔昌公每中輟焉生平仁孝性生  
慈而逮下眎人困急等于身受減獲童稚遇之悉有  
恩終歲未嘗聞叱咤聲其寬和待物類如此年六十  
八生三子一女長二子爲邑庠生


人生三十二女身二千餘年

身未嘗聞為物籍其家味粉粉勝收此平六十

身而後入日身學之身身身身身身身身身身身身

身六身于新新矣味昌公身中身身身身身身身身身

身身身身身身身身身身身身身身身身身身身身身



候潭高氏族譜卷之十五 丙辰重修大傳

叔昌公傳

望誤

公諱元振字叔昌刺史公第三子徵仕公庶母弟也  
刺史公正配羅太君撫之如已出故戴羅太君德倍  
深公少時奮發下帷補邑庠生有聲膠序尋刺史公  
暨羅太君後先辭塵公隨兄徵仕公扶筮敬亭每歲  
朝拜刺史公容輒伏羅太君側泣移時益不忘太君  
之德而亦見公至性之孝如此也生平好尚臧否而

剛正不能容物人小有見陵者動以大不道報之然  
以兄言則止公鄉居兄在城來城必謁兄徵仕公性  
和緩出則整衣束帶動移時故公必飽食以候起居  
雖兄弟儼如賓客相對無惰容飲食無狎態如是者  
終其身予幼時微聞公事於大母張孺人口故猶得  
道其概卒年八十一子三人穆清永清寅清穆永皆  
庠生永清出繼光昭爲嗣

東臺公楊孺人合傳

廷瑞撰


望雲公有子曰東臺公諱思鼎字調臣後更名尚卿  
任家督于望雲公稱粲粲門子者是至性孝友庭幃  
和輯不減萊衣姜被之風公自理家政見食指漸繁  
而二人霜鬢皤然懼無以給洗腆遂一意課耕服賈  
而家漸饒裕及親亾而公方壯盛且少讀書屢試莫  
售負其材氣無所騁乃嘆曰深山茅屋豈能鬱鬱久  
居哉崇禎中仕浙東爲小吏以清操受知上官益自

勵未幾值國變拂衣歸里門然公擅才諳未究其用  
則以柔者之閒佐理族務先是拱垣公有齒德爲族  
所推凡族中巨細雖以時修舉而事有未卒拱垣公  
歿而求繼其志者僉曰非東臺公不可蓋公爲人疆  
敏博辨剛正御物而直聲豢氣足以釐救起衰故凡  
譜牒詞宇修葺諸費籌畫盡善遇事剖決如流向之  
佐理拱垣公者今則以身率爲先而未嘗言瘁前後  
殊相媲美云顧公尤獲位內之賢如楊孺人者幼事

繼母以孝及笄侍姑疾刲股以進事皆嘖嘖人口至  
其性循貞順操作勤劬洵閨閣中之僅覩者公壽七  
十四孺人八十三合葬石橋之西



<p>繇其以法次發射故疑匪以難事也</p>	<p>其卦辭貞剛射中獲也何謂剛中之對射也</p>	<p>十四需人入十三合茲可辨之西</p>	<p>故有辨別正細物則</p>	<p>故而有辨其志者</p>	<p>故而有辨其志者</p>	<p>故而有辨其志者</p>	<p>故而有辨其志者</p>	<p>故而有辨其志者</p>	<p>故而有辨其志者</p>
-----------------------	--------------------------	----------------------	-----------------	----------------	----------------	----------------	----------------	----------------	----------------




朗僊公傳

望謨

拱垣公三子曰朗僊公公諱日照拱垣公嘗爲邑刑  
曹能平反公幼讀書工筆札隨父入曹亦精於刑名  
後拱垣公除福州連江北茭司值國變旋里爲族祭  
酒諸務修舉皆公左右之也會族有孝廉諱爾諤者  
爲亳州學博亳隸江以北諸生事有司咸牒學諤不  
能處分特賫書促公往公裁決悉當歸而隱於商至  
東壩地有劣衿某構通邑令私給不起稅并收逞罪

喇者五人爲虎翼諸商莫之何公逮夜分揭其示上  
控褫生衿掠其豪皆盡恣諸商快之而公名震江湖  
矣又喜結納名流與江王諸君稱宛中六子而余遺  
山公尤爲忘形成籍故遺山公贈詩有持杯自許同  
元亮作達何妨似仲容之句先是拱垣公易簣時出  
以譜系屬遺山公曰吾宗有子而廢先人行業不述  
世系不詳卽他有著作曷稱乎續康熙甲辰譜事告  
成調臣公監理之公贊之承拱垣公志也尋調臣沒

公主祠務爲族所尊推者數十年公性敏給且多才  
諳有口辨尤喜讀書上進之士卒年七十五葬周家  
冲子三人



公室國祿無教無尊無節無禮十平公封地餘且於

爵位口得次喜前書士以之士卒半小十正基周家


三六

山以時鳴公傳對楚麻之至今不寐廷瑞撰

公諱羽聖字時鳴見吾公次子風流大雅一切動靜  
嗜好超然清絕有盛德具大志思有所表見雖席豐  
厚耻志輩耕豎屑屑于求田問舍也幼自俯首詩書  
攻制舉業乃試輒不得志遂棄弗事曰舍是寧無可  
以梯雲霄展素蘊者哉中歲適值神州鼎沸因投袂  
起日經綸雷雨君子有爲之時也遽更名烈號膚公  
慨慷泛戎于弘光中爲欽依游擊隨征江西吉安等

處奈時不可爲筮得嘉遯之貞于是杜門隱居松寮  
竹屋圖書四設蒔花澹茗有以自老所謂請絕固如  
此而公之盛德尤有足稱者蓋侯潭族居瀆河每苦  
水患至康熙七年靈峰蛟發水流數丈流漂尸棺公  
大憫之急楠木爲臺呼僮僕之習水者數人橫截于  
洪濤迅湍之中無一使得泛去舉置諸臺不下百餘  
水涸俛有題識可認者皆得昇之歸餘棺無主悉買  
山以塋諭其子孫城祀之至今不衰推是德也以之

用世夫詎無所表見者哉







連城公傳

望誤

公諱一瑾字連城號思溪念溪公三子狀貌魁梧美鬚髯聲如洪鐘善啖而有幹畧值本朝鼎革舉者

民之殷實而公正者充丈量團里以公名應公旣爲耆民上思報効朝廷下思爲地方解紛適河東有殷汪二姓山界相毗每以採薪細故動致揭干累成命案而吾宣舊例山場不開弓公特請於官謂非量不可及舉丈不徇私毫髮界得清爭永息兩姓咸德

公事聞給耆德推鄉額續康熙甲辰族修譜牒遺山  
 公主之公暨族之賢達者協理之諸鉅細事不辭勞  
 肆故遺山公有勇於赴義遇事身先之贊他如為族  
 中全婚不啻一而再再而三洵勇於赴義者卒年八  
 十六子四人公五首次丈量團里以公各親公親

公事一壘平戰賦悲思矣念公二千州與銀部美

戰於公卦

聖焉

漢升公傳

廷瑞撰

公諱懋清字漢升號勉菴爲奉直公再姪少習儒未  
成厥志而天授英敏倜儻有幹畧厥時祠務繁冗佐  
理固不一人而習事練故備極苦心皆不及公迨康  
熙元年 詔天下丈量命鄉選公正有才諳者舉充  
耆民以督筭手而公與焉蓋其品望爲里黨所推也  
中城因艱穀似遂置側室廣修福報如造舟津渡之  
類不惜捐貲後舉三子皆就成立由是及老而傳絕

意塵俗惟授徒家塾讀書之暇枕流漱石舒嘯東皇  
而已且公適值中原鼎革之初寇盜時發入山惟恐  
不溪故先太史有避兵山中漢升二兄携酒共酌之  
詩是公雖遁跡岩穴而實無一得攫其慮者則予讀  
公贊云足踐通賢之域直其然乎

冀我公

其

高芷庵先生暨元配胡孺人合傳


龐 塏

雪崖任邱人官  
翰檢終郡守

殿檢高遺山與余同館時最篤蘭譜誼後余出守建  
州年姪高履公來閩言其兄舒白工詩善書予延之  
署一日舒白出其尊人芷庵先生暨母胡孺人行實  
請傳按先生諱蕙清字象芳改字旦今別號芷庵為  
宣邑諸生余同年遺山之三兄幼穎悟喜讀書日數  
行下為舉子業外能詩賦書臨十七帖潘稼堂年兄

至宣先生投以詩及曲水讌賦稼堂答詩有贈言聯  
翩來精銳類挑戰我怯不敢應堅壁待其倦之句及  
評曲水讌賦又云令我中卽尚存萬年可歎之嘆  
其才固可與弟齊名云初值 本朝鼎革遂絕意進  
取隱於鄉敝廬不蔽風雨庭前植花木躬親鋤灌焚  
香賦詩讀書後弟雖居翰苑絕跡干謁其履蹈高潔  
如此元配胡孺人銓部諱國鑑公冢孫女與之同庚  
兼能同其潔操古稱與缺之妻老萊之婦庶幾近之


先生年八十一歲孺人年七十偕老唱隨亦人生之  
樂事子名瑛字舒白邑庠生女適國學生蔡田





九傳

卷之十五



小秩公傳

廷瑞撰

公諱寅清字小秩別字二友爲刺史公第八孫家自  
刺史公以儒術起人無不業儒者公生方弱冠卽遭  
國變南北用兵寇盜充斥遂一意栖隱曰昔文正公  
爲諸生時卽以天下爲念亦旁及于醫且若秦緩之  
論晉景滯生六疾具見至理蒙莊之喻解牛鉞刃不  
頓文候卽悟養生吾竊有志乎此焉用是于岐黃之  
術肘後之方悉心研究無遺但公固精其術應手輒

效而尤以牟利爲耻訖亦無所儲蓄蓋公凡事先義  
後利同居有孀媳貧不能守俗例主婚者應與金公  
乃厲色弁之族中一不肖者鬻其子與梅姓爲僕公  
聞之憤甚卽贖以金暮年惟與二三知己之能詩者  
角巾白袷尋諸幽事或策杖而登或臨流而賦必竟  
日往其身世灑脫洵有條然物外之想豈若流輩齷  
齷者之所爲哉

翰林院檢討遺山府君傳

廷瑞撰

王父諱詠字阮襄號遺山原名蘭清字夢姑號稽亭  
贈公澹寧幼子生而穎異六齡受讀日下萬言遂有  
黃童之目高王父刺史公鍾愛之殊于諸孫公志愈  
奮晝夜誦習衣不解帶博極群書而詩賦古文詞罔  
不工十二補諸生十五仰餼有司二十游舊京與揚  
樞部龍友以下十数人日會秦淮桃葉閒分曹角執  
傾動名宿先輩錢牧齋方密之沈耕岩皆引爲忘年

友而施殿讀愚山衡宇相望文章氣誼尤稱莫逆及  
眎學山左曰吾衡文非某不可特遣使致書延之幕

凡所前拔者胥畹王士驥輩皆攫巍科而施又駐節  
臨江督修郡志獨屬公董其事以時彥皆不及也甲

辰家居修輯舊譜詳該精嚴發凡起例卷帙爛然大  
有裨于族也顧天豐公以才而嗇公以運屢蹟南闡  
有榜發浚愚山爲予出涕詩故凡其吟嘯游覽歷下  
則吞渤海秦岱之雄而東征有集湖西則選香山閣

皂之竒而蕭江前後有草闡嶠則武夷諸名勝信宿  
烟霞悉羅筆底竒情壯思促節悲音往往托寓皆不  
得志于時者之所爲也壬子歲貢以入對詣京師一  
時名卿大賢俱折輩行是歲徐東海被命主試北闈  
公赴試卷落銓部趙隨房趙薦之東海東海乃別先  
所托以公卷直抹數字易之趙不勝憤恨出闈遂携  
公卷徧質長安欲與東海爲難激公發其私已泛中  
證之公翻泛客慰解之曰是莫非某命之竒雖承公


意伸之朝亦無禋事乃釋先是東海勢頗熏炙人爭  
趨之其弟玉峯相國延公西席而公丰采嶽嶽遇之  
不稍降東海每不懌至是始大服公後授鑲藍教職  
秩滿當補邑令需次部選忽際

仁皇帝開鴻博科適膺臺廡中翰林院檢討時己未三  
月事也初公夢騰天上詣帝闕入文昌宮位第三座  
始寤感而作飛龍引浚浚夢皆驗事詳縣志雜記又  
公之北上也外曾王父夢人持楹曰此與汝婿發之

宛然一玉手也蓋爲御手親擢之兆云任史事五載  
積勞致疾兼之愚山先生歿于京邸凡其史局未竟  
之事與所撰學餘集均爲補輯較閱成書病大劇先  
君子侍養急爲請假歸不數月卒壽六十四人俱以  
晚遇未究厥施惜之公性鯁直廉退雖官禁闥深惡  
干謁之習不理生產常窘乏而饋遺者悉却之治家  
嚴恒聚世父輩諄誨輒至夜分自王母卽世年未逾  
四十亦終不復娶他如彈葉擊劍書畫醫卜之精皆



旁及所著遺山詩集蕭江游草行于世其未梓者有  
若岩堂全集五十餘卷



寧國府志文學傳

高詠字阮襄號稽亭又號遺山興國知州高維岳之孫幼有神童之目年十二歲補邑諸生試輒冠軍而屢躋棘闈名則日益起於學無所不闕工古文辭尤長於詩善書及畫人稱三絕家無長物賣書給膏火恒至匱乏終不妄干人性豪邁不諧俗然文章氣誼交不啻如骨肉先輩錢牧齋方密之沈耕巖輩皆引爲忘年友康熙壬子以歲貢廷試充教習考授知縣候選京邸諸公卿爭相推重戊午臺省交薦博學鴻儒己未三月御試稱旨授翰林院檢討充明史纂修官所撰史草期於覈實闡微雪誣傳信著傳數百篇不愧良史施侍讀愚山同里交稱莫逆至是同官相砥往復商摧矢爲詳慎愚山卒史局未竟之事詠皆身任之自是常慘慘不樂又以積勞成疾請假歸塋踰年而沒未沒之先嘗感異夢豫定死期果於是日沐浴更衣端坐而逝所著有蕭江游草遺山詩文

集行於世

宣城縣志雜記


高檢討詠少時嘗夢於市上行見大幅字蹈藉盈街不敢踐尋側路行身不覺輕舉入雲中至一所樓閣壯麗踰橋入門有黑而髯若元壇神者從一卒擁皂纛自內而出相遇甬道神兩目熠熠出火光數尺高左避神睇而顧問擁纛卒有所言者再乃去高遂入行長道數百步至內闕門尚未啟鑰門左冕而執笏山立者甚衆心知其爲天庭也方惶懼倉皇則有導以行者至右側旁殿顏曰三官堂有公座三黃裯畫臯比高私念何可據三官座遂出最後引至文昌宮以第三座命之曰可座此驚而寤作飛龍引紀之康熙壬子廷試至五鳳樓金水河彷彿夢中以爲兆應矣尋以薦舉受史職修明史數年復夢前境意頗惡之甲子以疾請假歸宣城起居如常每與人言當以二十八日辭公等次年二年卒果二十八日也

王母誥贈孺人梅太君傳人出自廷瑞撰

王母姓梅氏廣西布政鏡水公孫女太學生叔玉公  
女聞王父太史公髮齡時名噪神童大喜曰是誠吾  
佳婿也亟請婚定厥祥焉年十九嬪王父已不逮事  
曾王母而諸壺政皆委焉王父有田數十畝皆硲确  
者自曾王父澹寧公爲諸子折箸時特諭之曰異日  
富貴爾所自取故無事此坐是家漸落惟夫人丁其  
難黽勉有無嘗致乏絕亦不以介意甚稱王父志蓋

王父天才博學豪邁自喜夫人心大期之每省試歸  
將屆榜期預潔治皿盤茶具以俟雖屢遭泣玉益慰  
勉之不怠王父以詩文結納四方名隲恒治裘遠遊  
輒經歲或數月訖無內顧憂者悉夫人力也顧夫人  
甫及強盛似續正待以撫育乃有身未免遽遘厲疾  
適王父客游臨江及得音聞歸則就木焉王父痛不  
能面訣遂終不復娶壽三十九子四女一塋庄基康  
熙二十年以王父貴贈孺人夫人出自望族姆訓固

所夙嫺而其動止循禮特家有恣尤性篤慈仁雖甚  
怒無訾言遽色不幸早卒其閨閣懿範不能多述云



大伯父菊樵公傳


望謨

大伯父諱表字峻若號菊樵大父平山公長子沈大  
母出也伯父生十歲而沈大母沒故以養以教俾至  
成立張大母之功居多旋大父遭暴疾卒伯父雖任  
家督日與屠沽兒從事張大母稱未亾人勢不能止  
故大父所遺蕩然無存焉等以大母命歸候潭舍士  
而賈爲兩弟完娶會愚山施慶讀買予家塋祖王總  
山左支因之爭界伯父謂愚山曰先生自謂理學吾



聞之禮基地不請先生乃謀之於理學何居且勸云  
吾與爾叔稱莫逆交何不以此吉地讓吾叔塋親乎  
愚山語寒界得以保初伯父以元配沈孺人無出過  
房姪爲嗣卽與娶婦不料子成婦嫁晚年益無聊賴  
復娶潘孺人亦無出日爲小詩以自娛值吳江潘稼  
堂太史同遺山公年譜來宜寓居若巖堂伯父以所  
著潭西草堂集寄正潘評云合閱來集才情富贍體  
格堅好良工心苦卓然成家遺山有此賢姪不啻步

兵之仲容惜未及握手寫心書此以志欣慕其詩固  
可想見云卒年七十三子名其淵





二伯父繩庵公傳

望誤

二伯父諱遵瀛字初洲原名雋字彥倫號繩庵大父  
平山公仲子菊樵伯父同母弟也少穎悟好讀書善  
屬文常與兄同爲制舉業大父獨可其文不幸大父  
未強仕卒遂出贅詹公在右家生子二吉水宛水宛  
水在伯母產時被他姓囑收生者詐以男爲女遂任  
其抱去而弗之察俄而吉水殤母兄弟皆遷亦偕伯  
母來村自大父見背至康熙壬子伯父年三十有九

而誦讀之志終不衰是年補郡博士弟子員而叔大  
父遺山公同時成歲進士院試五名卷另謄謄之前  
夕遺山公夢大兄立床頭呼之者再意若有所囑覺  
而語諸伯父誠其謄卷當慎詎伯父兢業過竟曳白  
遺山公痛責之自爲之續卷得無恙遺山公以繼起  
有人自又當 廷試去京師遂日夜爲講論場屋事  
乃屢入棘圍卒不遇復生二子鳳彩鳳階彩十餘歲  
知爲文伯父喜篤課之尋又殤階復不好紙筆而伯

母隨公伯父年已六十膝下唯一子微聞死水在浙  
之長興訪歸取名綺帶嗜易名綺蒸伯父遂家居日  
爲余點勘文字講解經義如遺山公待已故事不數  
年卒厝庄墓



三伯父始庵公伯母楊孺人合傳

望謨

三伯父諱肇原名聿字偉若號始庵大父平山公三子張大母長子也伯父生兩歲而大父沒及長與先子同就外傳傳放誕不羈罕所啟發故皆讀而未成往來江湖間貿遷有無以自給會叔大父遺山公以鴻博膺內召官殿檢公去京師省起居遺山公喜甚踰年始歸時公已娶伯母楊孺人生子矣孺人淮安人隨父寓居宣少公十餘歲爲人敏給多能深得大



母歡連舉六子一女公食指既煩大父所遺又皆斥  
去上而老母之甘旨下而諸子之教養暨往來親串  
之酬應亦大費經營云戊寅春大母捐闔政偕先子  
於喪塋事皆盡心無遺憾又五六年公卒孺人年方  
四十欲以身殉先子泣慰之曰若以身殉固也如茲  
藐孤何孺人強起啜糜粥視舍殮其時諸子皆未授  
室不二三年先子又卒諸子愈笑笑無依孺人晁勉  
有無內不欲以愁苦傷兒心外又不肯乞假於族黨

惟自憂勞一心而劬瘁於十指出終歲寸縷尺布之  
所積者助其子支持三十年此三十年中諸子咸婚  
娶能成立孫十人曾孫一人繞膝牽衣噫可悲亦可  
慶也已沒之日年七十四祔始庵公塋荷花形之左



先子敬齋公傳

望謨

先子諱肅字儼若號敬齋大父平山公少子三伯父  
始庵公母弟秉性孝友生七月而大父沒事大母倍  
謹大母夙嬰氣疾年五十而增劇先子療治日端并  
籲天減筭以益母疾果愈是年大母稱觴三伯父省  
遺山公于京邸未歸心輒不樂又以業儒未就立志  
教子方五齡即出就傅及嚙類日煩酬應日多又無  
田里之入費用恒不給大母命析箸先子輩辭不忍

大母曰花不分弗發也爾等可各食其力而先子猶  
同母兄服賈吳越間時予益長先子教督益嚴省書  
之際夏楚隨之繩庵公老而家居可予文先子陰喜  
之而陽不與也旋予補弟子員適大母捐闡政先子  
歸自金陵得凶問遂不欲生奔家撫棺慟絕因語望  
曰某生平不逮事吾父又不獲訣吾母某天地間罪  
人也没可埋大父母旁以贖吾痛至吾族有二祠東  
祠基址先文林東潭公助也年久傾圮靈棲無所先

子糾家倡義殫力經營初購一木價數緡斧其顛不  
實先子皇愕無措假寐夢一白鬚者語曰爾無憂此  
木首虛而中實寤而命斲之果然人咸以爲孝感云  
祠舊有祀田百餘畝任事失人竟至蕩廢僅存河東  
荒地數頃族人佃之先子徵其租權子母不數年犧  
牲有資并置祀田龍頭山西澗等處他如忠信明辨  
剖決如流爲遠近解紛族姪立後宗親咸倚重之尋  
以積勞成疾隨捐館舍未易篋時問疾者屢常滿先

子皆請入與訣無不嗟嘆如失所恃彌留之際望跪  
請遺命先生強起朗言曰若知立身行道之語乎吾  
以四字遺汝又曰汝弟不事詩書汝爲兄弟與之校  
汝子慧不幸失恃汝宜寓寬於嚴謹守家誠喪事無  
用浮屠吾言不再目遂瞑嗚呼痛哉先子生順治庚  
寅年五十有五子二長望次期孫二人曾孫三人附  
墓荷花形右不敢忘埋大父母旁之治命云

先子芝山公先母梅孺人合傳

廷瑞撰

先子諱師道字履公號芝山太史公幼子也賦資聰  
慧孝友天植而慈厚過之工詩及畫方七齡就傅不  
數月而王母見背王父撫之曰子東西南北人也禽  
生獨晚早即失恃吾不能爲汝延師將隨諸兄後自  
肄可公初不屑屑于章句守帖括以取青紫惟恣情  
吟咏筆墨中以爲快年十九王父客京師乃往質所  
學因加指授歸而求之卓然成家龐太史序云異時




詩四同傳菽菹文衡山三橋父子其不得專美于前  
乎至晉接諸名卿禮教一如夙嫺年二十四先孺人  
梅氏始孀焉孺人固廣西布政鏡水公魯孫女性成  
婉婉每不忍于一物尤練習綉緝茸綉酒漿諸所爲  
時不及學于姑家亦未析箸次年王父得授翰檢宗  
親沓至日治賓厨孺人用介婦佐壺職諸務以身先  
于妯娌最稱輯睦乃王父歷史局五載一日書至痛  
言積疾之由公持書悲泣至夜達旦泪不乾枕即百

計典貸束輕褰夙夜奔詣王父所王父喜曰子有三  
子數千里外獨爾來可謂孝矣凡醫藥請假治裘以  
暨辭謝諸寮友王父病不勝勞皆公悉力營辦發長  
途雨以水溢直平馬腹而顧僕輸載之無憂脩車脩  
舟之接濟靡不備極艱辛及家侍養恒數十餘人不  
獲王父欢俱私相謂曰某何一人扶持至自春明也  
經冬屆春王父捐館舍不能塋但餘積逋數百金遺  
草數十卷適徐玉峯大琴昔與大父交稱莫逆公遽

往謁之不謂麥舟之贈徐已會其齎之而公不知也  
及歸詢其事中間浮沉而徐又旋卒公竟莫可誰何  
孺人勉之曰室如懸磬株守無益也苟有四方之志  
勿以家爲念公故得每歲薄遊南北登眺游覽徧歷  
名勝與諸父批縉紳先生贈答讌會所在豪暢然窻  
窻剗之事究亦莫濟且孺人經營殫瘁持家數十  
載公方無內顧憂而孺人已不諱矣壽三十八遲數  
年大父始獲塋敬亭而兩世父亦祔焉公願已釋大

半尤諭予曰余同懷有三兄一姊惟伯兄與姊氏在  
而伯兄酷貧我每飯不忘時遠出亦分金寄之于諸  
侄之衣食婚娶必力爲區畫又姊氏早孀爲歸養之  
外孫少孤并收恤之往嘗惟汝母有同志今亦當歷  
久不渝也計公生平出入財物不下千金乃不以不  
肖虞人一于慈厚卒不獲報而墮其術中兼之囊橐  
歸必與諸兄均有之由是累貽暮年無擔石亦無所  
憾而遺草終未克梓易簣時獨以是爲切囑焉爾壽

六十七與孺人合墓敬亭著有若岩堂近稿藏于家



日生公傳

望謨

公諱之輝字日生旭初公子母梅氏早失怙恃遂讀  
而未成然家道素封有田可耕有宅可廬量不能飲  
而善啖噉食可兼數人生平敦本尚義其曾祖宗源  
公墓西于墩上年遠碑泐慨然糾衆復爲立石并及  
無出思誠舉二安七三公塚至今皆得標祭續康熙  
壬午族修東祠衆推先子輩其事公及其年輩協理  
之甫一周有不遂所欲者捏造浮議煽惑族衆與先

子為難與償厥事公出日記簿比對絲忽無訛浮議  
 始息而祠得告成會族有食貧而妻不安其室者特  
 為倡義釀金留之後竟生子延一脉其所為多類此  
 卒年五十五葬蒿科塘地子一人

而後知如何兼與人主事本尚美其曾祖宗所  
 而末以於不與家徒育田而特不子何似量不計於  
 公輸之戰之日土賦厥公年壯壯大早夫壯壯壯壯

日主公戰

聖時

子木公傳

望誤

公諱之輅字子木瞿石公四子瞿石公父號見吾諸  
子皆有分瞿石公不事田廬日與善丹青形家言者  
往來遂至中落公弱冠析分僅園地數畦乃戴星出  
入辛苦備嘗始權子母繼事居積人棄我取如是者  
有年漸至饒裕置田宅娶妻生子所謂勤以成家者  
非耶又生平能識大義重根本與子同祖南峰公南  
峰公有里役往例傾子若喉同里速之訟隘害百端



予借公爲証公之親故咸恐公謂與俱傷無益不如  
逃之公以此例乃南峰公所貽雖傷不惜及庭鞠當  
事主和議傾予若驚愕而公固無恙後家益饒名且  
起會里報耆氏僉謂非公不可故公堂有盛世耆英  
之額年六十二葬汪家場

公之文辭學士本縣亦公因于學士公父將見汪

源公公傳

廷瑞撰

公諱化龍字源公生五歲遭父匪夷公爲仇家陷害  
禍及三族避難繼母家年二十八時平事息方得還  
族痛念父死非命毋盡節烈猶得合塋里井獨以匪  
夷公有生父曰小乾公子雖出襁而亦被追坐徙亾  
漠北公曰吾不能負骨歸如爲孫何或恐之子孤身  
萬里人絕路殊誠不可知公曰吾信此心耳寧惧死  
哉于是徒步奔馳不遑朝夕直歷尽危險始至徙所

但見封邱壘壘莫辨其莖處公惶懼悲號長跪通衢  
拜而後問與得其真適有陳姓名玉鑄者寔小乾公  
出塞同行之故友也指示其處曰子大父與予交最  
善謝世時隨俗火莖于此勿疑也乃啓兆出其骸猶  
惧不確心切禱之曰嚙指血受則信矣滴之果受遂  
仰天大慟声震山谷聞者莫不涕零爰重裹停遣外  
置牛脯一臠以飾人嫌及沿途踰橋渡舟出入旅店  
必默祝之其用心周密如此時先大父官京邸忽夢

小乾公息喘額泚若遠來狀喜相告曰四弟我至矣  
越次日公果至大父心知之命之入爲沒奠哭之及  
抵家公爲開吊執喪禮如始歿然後葬溯公至自  
夷俗咸稱其奇孝歸贈以詩而宗親皆艷傳之同里  
梅先生東渚作孤兒行又王都督永思聞其事招致  
之曰忠臣必出于孝子之門昔郭子儀岳武穆亦自  
行伍中出吾當爲子謀之居無何王忽得一廢疾辭  
職歸公嘆曰時命可知矣吾大志已遂他何求焉壽

六十六子一公狀貌魁頽倜儻有胆畧而其孝行尤人所難故脩書之以風浚嗣云



有世玉衡公傳

西祠

望謨

曰一璿者字玉衡蜚卿公長子蜚卿補邑庠生以儒術誨其子公性穎異早歲即能文并旁及星卜岐黃之術其爲人以廉毅自厲常放言高論會勝國鼎沸地方無知蠢動攫人子焚人廬以搜括爲祟公儒者勢不能止之又弗克與之爭遂挈妻孥避之江以北全椒兵部郎吳諱國龍者與之遊隨絳帳其地後我清定鼎草竊竄伏始得歸里然亦不能田爾田宅

爾宅矣爰授徒供母時望方五齡出就傅先子慎簡  
人師遂執贄焉公館家塾村人有衣冠不正語言鄙  
俚者輒繩以禮不假諸辭色故凡俗例相延爲流輩  
所爭趨而公深壓薄之嘗閉門不與人亦敬憚之不  
敢狎有子曰之喆亦讀書公爲娶婦子婦咸早卒乃  
老而無嗣人有饋遺復不受以岐黃星卜之事給衣  
食其廉毅如此常過予家酒酣耳熱則以古狂者自  
許所謂隱居放言非耶壽八十一塋羊墩

張孺人傳

望謨

孺人張氏匪夸公諱第之元配城東級生公女孺人  
自幼讀書知節孝大義及歸匪夸公孝事舅姑黽勉有  
無生子五存者從龍化龍而已化龍自幼出繼張氏  
歲己亥海上游魂來寧郡郡守焦公走白嶽自知不  
免乃以迎逆陷郡紳矜而犯獄徐生某牽第名枉供  
洩舊憤没及妻孥季秋得獄中書內謂孺人曰汝係  
明白人我固不忍言汝亦不須細言也名節二字要



緊要緊倘能全此二字我在九泉亦瞑目云云孺人  
得書且泣且誓其一死以殉仲冬聞督捕將至籍其  
家乃整衣向太舅姑拜并拜叔舅小秩公謂媳身後  
事惟公憐之時從龍跪母前哀甚孺人叱曰事至此  
仍留連不決倘捕者至死無及矣所辱豈一身也哉  
揮兒退閉戶自經未移時聞孺人呼兒聲云帶不勝  
軀既絕復甦也命易帶促子去子挽門孺人急止曰  
汝吾子掩門是忍母死也可令僕掩之未幾轟然有

聲而孺人卒嗚呼孺人臨卒不特從容就義亦且令  
子全恩卽古忠烈士無以踰此年三十有六同夫合  
葬芳地之右

宣城縣誌烈婦傳

張氏邑增生高斐斐妻孝事舅姑篝燈佐夫子讀斐  
斐好客座上常滿氏勉以勤不逮斐斐爲仇陷罹  
蜚禍氏卽閉戶自經



丁巳續補大傳

少林公傳

紹勤撰

松林公一子曰少林諱思鏡家素貧不事儒術松林  
公沒無擔石焉乃自念無手足煢煢孑立若勿勉將  
不祀然又恥爲田舍翁素精計范之術遂營變治裝  
服中賈于吳越間衣不絲帛食不膏粱夙興夜寐漸  
至豐裕旣而有室嘗私相戒曰人生卽不能讀書顯  
揚以光先世亦當別有成立以持門戶吾與汝內外

搯作庶無忝乃祖乃父乎積數載有田數十畝生三子悉令爲賈曰吾以賈創業賈之子恒爲賈矣公爲人謹厚終身不履公庭見縣役輒避去故雖逐末未嘗以術取于人遇族事非閑已者不與焉晚年酌大斗進甘旨攜諸孫以樂天年壽八十人皆以爲勤儉忠厚之報云夫公起無立錐而卒卓卓自立丕基緒以裕後昆亦人傑也哉


怡亭公傳

紹勤撰

公諱一填字友白號怡亭原名軒字友伯東臺公長  
子幼苦讀攻制義與曾王父太史公最友善往來顧  
問互相考証窮經史思有所表見於當世值中原鼎  
沸寇盜充斥乃翻然曰有道則見無道則隱吾志決  
矣且人生貴敦詩書說禮義耳奚必守帖括以取青  
紫哉遂輕世肆志率諸徒與子姪輩談今攷古無有  
倦日或往來吳門京口間與諸君子吟嘯游覽登山

泊水以取恬適無意人間事又常好岐黃用以救世  
間有貧乏者一介不取自是里左間無不欽仰甲辰  
族舉曾王父重修譜牒公賚理其事兩載間咏歌盈  
匣相得益彰及譜事告竣曾王父以 召試官京邸  
公猶以書東賦詩贈答其爲人樂易廣交至老逸興  
不衰人爭慕之惜乎不遇訖無所表見及易簣時聚  
兄弟子姪輩囑之曰吾有志未逮不免賫恨今明天  
子在上汝輩後嗣擇可教者教之稍伸吾志言畢而

卒壽八十塋石橋西子二之鉄之鐸









先子代山公母馬氏孺人合傳 紹桂撰

先子諱望字南宮號代山敬齋公長子也性剛直不習外務五齡就傳資不在諸生下稍長能文二伯大父繩庵公屢試而急獎之曰太史公而後繼起有人矣大父陰喜之教督愈嚴年十八先孺人馬氏遂嬪焉孺人長公一歲秉性柔順夙嫻紉緝綉諸務事舅姑以孝聞曾王母鍾愛之公因奉事有托遂以硯爲田寄食四方無內顧憂者孺人之力居多也年二

十一而不肖生甫四齡孺人遂捐壺政矣時公方弱  
冠志不欲復娶踰年補邑弟子員潛心經史手不釋  
卷精理學苦章句凡瑣牘之屬必筆之以脩叅考平  
生不辨權量持籌筭唯杜門課授深於著作諸名流  
皆折節焉乃鄉試十餘未售率多拂鬱已酉補邑廩  
生非厥志也丙辰族舉公與叔父武遺公同修譜牒  
殫精踰年功將告竣奈刊刻方新而公見棄嗚呼痛  
孰甚焉公生康熙甲寅壽六十有四與孺人合厝于

荷花形之後子僅不肖一孫三人所著有姑存稿近  
詩存稿四書朱抄又四書管闕四十卷





蘇子深之好于餘亦有一紙三人復錄其

先子武遺公傳

紹勤誤

先子諱廷瑞字翰符別號武遺大父芝山公長子曾  
祖太史遺山公之孫生而孝友志操不羣六齡就傳  
卽殊于人不數年大母早世大父嘗遊南北閭中多  
無賴相誘公痛絕弗交奮事誦讀工詩同里梅雪坪  
先生見而竒之曰故人有後矣手不釋卷補博士弟  
子員試輒優等振古文詞及書函雜藝靡不精癸巳  
遊西江抵崑山與太史徐忍齋顧維禎同宗大立諸

巨卿贈答日有聲觀察劉青岑延公西席未幾劉領  
雲南方伯公以大父年老辭歸甲寅補邑增生乃數  
奇屢蹟棘闈卒以義命自安毫無悻悻色恥事干謁  
僅硯田給膏火里黨富厚非請謁不輕造其門志操  
固如此而其孝友尤足稱初大父以姊氏早孀諸姪  
苦歲並收恤歸養之公肩其任歷久勿渝每持館穀  
至悉奉大父所曰使朝夕得所需及侍疾年餘衣不  
解帶後諸世父有弟嗣者公徧爲承祀代謀鞠育敬

亭公祖塋爲范姓所侵盜五穴首排和議界得無恙  
公力居多平生惡談佛老遇鄉鄙惑于邪說必告以  
聖賢之道事剖乃止旣而作邪鑑錄是時多淫祀貧  
者或致鬻男女公爲請于官禁絕之丙辰同伯父代  
山續修家譜事將竣而伯父殂公悲泣失聲遂構疾  
越二日卒聞者莫不流涕驚叱壽五十有六子四紹  
達紹迪紹遠俱出繼著有就正編四分集棲月軒詩  
字學正宗律呂等書藏於家



元氣主氣生... 氣血...

靈驗... 靈驗...

山... 山...


音... 音...

聖... 聖...

公... 公...

亭... 亭...

亭... 亭...



晉 亭山公傳 西祠

紹勤誤

公諱樂字和之號亭山東峯公子狀貌魁偉長七尺  
餘幼失怙母殷氏稱未亾人依依膝下奉命惟謹長  
而婚痛母年穉苦節竭力耕田率子婦以盡孝曰吾  
不逮事吾父猶幸得侍吾母庶可報劬勞於萬一由  
是家漸振洗腆有資故母年登耄耄神明不衰及喪  
慟絕撲地欲以身殉識者嘉之公性質直無偽與人  
謀必忠雖不事詩書而極有幹畧遇事能斷凡一言

一行人莫不傾服口給滑稽之徒見之如失所恃有  
格盜牛者之風會隆慶中建府城外東鎮橋  
勅旨募工公聚族衆倡議捐貲助理厥功甚偉舉三  
子曰思孔思顏思閔時田廬式廓諸子皆賢有日起  
之勢公獨以儒業未就親節未揚爲深憾焉晚歲有  
孫八人戒其子曰今之得昌微殷孺人不及此汝後  
有達者當世世無相忘也先自文相公傳至公數世  
皆艱嗣至是稍繁人以爲仁孝所致壽七十三而卒

慎吾公傳

紹勤撰

禮仁公分祀西祠而後惟體仁公之子孫爲蕃衍殷  
實越數世而復昌者則又有慎吾公云公諱思顏字  
伯修爲人縝密自守繩尺不踰因自號爲慎吾少讀  
書曉大義自以先世世隱于耕不敢廢前人業率主  
伯亞旅竭力畝畝播種以時出入以量而家益隆隆  
起凡貧困不支者頗有資焉遇人雀角爭擾必力爲  
排解自出杯酒以息訟端曰吾欲子孫爲善則我不

爲惡自是人皆稱公長者益雅重之而公愈循禮法  
未嘗以年高有惰慢之態處事從無機械故吐一言  
咸以爲平晚歲精明強固不亞少年九能諳習里中  
舊聞故事族人多往咨者卒之日壽八十孫枝濟濟  
合族親戚往弔其門曰翁福德兼優吾等當喫一匙  
壽飯以誌不忘其感人身後如此子四一縉一經一  
綸一綉皆至成立故慎吾公之後多富庶者

岸先公傳

紹勤誤

禮仁公後多隱於耕達儒術者自岸先公始公諱道  
登岸先其字也太華公長子生而敏捷器局過人就  
傳時目數行下七歲能文有黃童之目年十二赴考  
日午攜卷上督學督學奇之讀其卷驚歎復面試一  
題公甫書破承督學取覽瞿然曰好兒女命續成之  
遂遊邑庠踰年仰餼有司試轍冠軍爲高督學所深  
契呼之宗侄未冠領順治乙酉科副榜其爲文清新

卓越成章不踰傾刻雖古之仲宣不是過也及父爲  
仇家陷害已亦坐黜憤恨不已投袂起曰惡有大吏  
夫而不能復其父之仇者乎吾其爲子胥矣遂往通  
州謁高督學補北籍邑庠生復中副榜未幾病卒先  
是太華公家極殷富爲人嚴厲衆不悅獨勤於課子  
一載之間凡三擇師故有是驗嗟嗟岸先公資力兼  
人貌如處士六年杜門不出可謂賢矣惜其中途多  
故徙亾遠域其行踪不能盡悉云

殷孺人傳

紹勤誤

亭山公母曰殷孺人稟性貞順寡言笑而多智父母  
鍾愛之笄歸東峯公遠事舅姑嫻於內則凡酒漿杯  
栝諸務靡不精潔生一男一女而東峯公幼時孺人  
年二十五日夜號慟誓不欲生尋念藐孤不能任耕  
作舅姑無以終養遂忍淚織紵緝縷以相全活每羅  
凶年自忍饑以食舅姑與子舅姑既歿或欲奪其志  
不可曰先夫托我以孤遺言猶在耳今棄去何以見



卷之十五  
死者於地下且婦人從一而終食貧茹荼命衰安往

適一意教子曰葬於靈前曰此子若才亦惟君之幸

此子不才亦惟君之辱亭山公小有過卽以大不道

責之聞者以此益賢孺人孺人素廉介每有餽遺悉


却不受及子漸長貧勿能讀訓以勤儉立身之道凡

所規畫無不悉當家稍裕喪葬婚嫁諸大事以時就

理晚年猶不廢紡績常見諸孫輒笑後一笑而卒壽

八十嗚呼孺人苦節五十五年鑣持門戶毫無怨色

卒撫子成立以及諸孫雖烈丈夫何以加此孺人殆  
不僅以節著者故載





侯潭高氏族譜卷之十五乾隆丙辰重修

大傳

見川公暨郭李二孺人合傳 正宣誤

公諱宗陽字汝泰號見川行豫五南岡公第五子生而英敏肄舉子業弱冠補郡庠生試輒高等詎數奇負大志竟不獲展惜哉公賦性至孝南岡公生子五而公最少甫十齡南岡公見背公於是痛父容之莫覲也日夜追思見諸夢寐儀表恍若生存及覺卽彷彿

佛繪之繪竣往呈之母母曰此像最肖但眉睫下尚  
有一痣正指示間適蠅墮點墨成之母遂大喜曰奇  
矣此何莫非公誠孝所感哉事母氏惟謹定省晨夕  
無少懈偶一日與友人奕母見之輒怒乃投其具於  
水以爲吾以汝勵志詩書以慰爾先人之望何不類  
乃爾用是公終身不視棋其恪遵母訓類如此晚年  
益復力學雖屢蹶彌奮志不衰時踰指使猶赴試南  
闈場畢取七藝讀之喜曰吾今可以一售矣榜放又

落孫山因決志恬退不干世榮顧生平工吟咏多所  
誤述爰著歸隱集以自娛迨宗人推公爲長總祠政  
不嚴而飭大都率族衆以端方御宗事以公恕男箴  
女誠條例秩然縱頑悍佻健之徒見之無不却步或  
有忿爭控之於公一經勸諭遂渙然冰釋終公之世  
無兩造於吏庭者皆公之教也又嘗舉爲約正每至  
月朔聚里黨之人而誥誠之援古証今肫切殊甚至  
於彰善癉惡不少假焉公殆古之遺直也歟公生嘉



雲山公傳

正宣謨

公諱槐字舉之號雲山東溪公次子也雲山公秉性  
嚴重人亦既見止靡不敬畏而尤有推重一時者遵  
先訓克勤以致豐裕凡閭里中間有極貧之家知則  
必隨力之所能以加惠于其人艾年偶治裝於金陵  
爲賈居旅邸夜忽聞隣有啼聲悲甚至明日詢之知  
彼迫于饑寒將鬻子遠離故也公一時含淚不勝惻  
然隨贈金其其困乏其夫婦率子致謝嚴拒拜不受



厥後適遇貨減直售畢買舟旋里見一小艇載諸蚌  
螺公問其胡爲乎來哉彼應曰吾蓋欲以此物謀食  
也因又詰其價幾許而以資易而釋之常以是忻愜  
於中卒無悔公惟爲善好施大都類是故家亦不甚  
饒洽泊年逾知命凡外內事皆弗與恆于澗谷間以  
遨以遊私喜而言曰此沅山之好登臨之趣余雖老  
矣倘天假之年而永得瀟灑自如焉致足樂也人生  
行樂耳須富貴何時娶楊氏子二長曰思賢官照磨


奉坡公傳

正宣謨

奉坡公者諱思召行省十立之公舉四子公居季其  
爲人靜穆寡言見世之意氣飛揚栩栩然以誇詡是  
尙者遠之惟恐不速每於歲時伏臘訓子侄曰夫人  
處天地間貴敦倫飭紀大節無虧斯已矣倘僅外恃  
其佞口而此心失乎天良卽生於斯世猶虛耳汝輩  
當勗諸公少性不好逸常占晴課兩竭力於南畝而  
勿以爲瘁自此日積月累漸底於豐裕未幾轉而易

陶朱公術日展閱置富奇書又持其橐中金服賈京  
口姑蘓等處計貨少有生殖輒倍太有商責公不引  
滿其價者公答之云貪得者無厭吾人何可蹈此弊  
惟如是凡貨至異地立卻不留滯以較饕餮中之曠  
日持久者利從無或爽故其室益多厚藏公迺操作  
仍不能輟樸素依然如故人於是互相嘉美至造舟  
爲梁使衆免病涉燃夜燈以照人行施棺槨以瘞道  
瑾酷暑烹茶濟渴則揮金慷慨毫無吝惜夫豈硜硜

守筐篋者比哉子三人女二長適庠生郭勗時次亦  
適郭





Faint vertical text columns, likely bleed-through from the reverse side of the page. The text is illegible due to fading and ghosting.

曾大父巨川公傳

正宣誤

宣稽遺叟公爲曾大父作傳曰余嘗讀陳情表知人之養祖母而克盡其孝者曠古惟李令伯又嘗聞一夜十起之事而第五倫雖號稱賢拮且不免有私焉以觀余先子其殆方軌令伯遠駕五倫者乎先子諱思居字伯安號巨川見川公孫大父南塘公少子秉性剛直不事阿比遇強禦不畏於鰥寡不侮又尚義好施往往有揮金不顧之風居恆喜涉藝苑凡古來

忠孝節烈之事皆能娓娓道之幼時率多豪曠不練  
家務曾大父見川公亦嘗以少不更事爲憂曾幾何  
時而大父大母繼殞伯父亦隨二門衰祚薄莫此爲  
甚且上而曾大父見川公尚在下而長兄韶屬在襁  
褓又余伯父之遺孤也業無寸壤可畊家無擔石之  
儲於斯時而欲左支右持振衰起敝憂憂乎其難哉  
而余先子則慨然奮曰其可當吾世而令家聲之陵  
替耶繼先昌後豈異人任於是克自振拔拮据經營

不懈朝夕其事曾大父也多方承順雖至貧窘每日  
必具酒肉以爲吾欲養吾父母而不得庶幾得養吾  
大父其猶養吾父母也乎且計一飯再飯之未遑親  
侍奉養之需必預備而後出又慮余母或不克盡如  
其孝心操刀親割竊計其數以授烹飪晚歸問省之  
餘卽詢今日所食幾何至再至三悉與所計者合後  
猶諄諄諮及而曾大父卽作色言曰汝婦較汝更孝  
何瑣瑣爲及侍曾大父之疾藥必親進穢必親滌無



稍忘焉噫李令伯養祖母而不忍一日離余先子養  
祖父而不敢一事忤揆之先後非一轍耶其撫孤姪  
也顧之復之一如已出嘗囑余母曰不幸吾兄早逝  
恃以衍吾兄之一脈者在此子也汝珍視之余母亦  
撫恤之彌至不二年而余二兄畧生令之出入必偕  
提携拊畜無異也飲食衣服無異也入家塾而訓之  
誨之亦無異也及家道日起而長而婚娶則必次第  
及焉厥後長兄韜亦事余先子至謹人咸以爲孝義

之報云然則第五倫愛子過於姪較之余先子愛姪如愛子彼五倫者曠乎其後矣曾大父念先子之孝與義不能忘臨沒猶口占一律以贊云事翁如父無多見撫姪同兒更罕門仍伏枕書之於幅遺之曰此俚句也何足傳但使汝之子若孫得因此以識汝之孝并識汝之義耳然余先子之生平其可述而誌者不能悉載孝與義其行之尤美者也遺叟公爲曾大父作傳如此曾大父娶胡孺人舉子五晚年謝絕酬

應率幼子及臧獲居于峻嶺山庄又命年長諸子在  
舊里處者相易趨侍故其後没于是焉享年六十有  
二塋石橋西周村之左胡孺人合墓

見山公傳

正宣撰

余初遊石姓冲左陟高岡遠眺倦至而坐忽見當前  
有荒塚無碑誌可稽未幾曜靈西逝禽鳥投林吾歸  
詢先子知爲見山公墓也并悉夫生前制行之美公  
諱象乾字六函號見山其父明之公明之公每以晦  
明風雨常事黃卷青燈不克身遊泮地爲恨一夕食  
畢自投箸擊案以歎謂吾守帖括數十年固徒然自  
苦乃爾倘異日第五兒授讀獲有所成以見知當事

亦庶可少慰我心矣但余室如懸磬而此子才七齡  
假其成必須十年教訓奈何適見山公在側粲然起  
而對曰讀書易易耳大人無庸慮不肖願就厥志於  
是次歲入塾遂畢四子書閱二載六經靡不淹貫有  
稚子輩誘其間巷遊戲公卽厲色却之嗣是攻制義  
脫稿語句驚人大爲諸名儒所見重故值督學賈公  
科試曾以六藝補博士弟子員當事不勝其稱賞第  
公秉性耿介砥礪廉隅雅不喜隨俗俯仰曲意徇人

是以與衆齟齬而不相合後緣屢蹶棘闢不得大展  
抱負退而鍵戶養高以道自守學周茂叔以盆畜魚  
靜觀其游泳自得又手植一松自寓堅操莫改卽家  
無斗筲決弗向人乞顆粒甘心僵臥竟困阨悲愁而  
卒至一子旋夭亦難解天道之謂何今但歷想公之  
懿行殊不可漠然忽置於是乎特傳



安甫公暨梅孺人合傳


正宣撰

安甫公諱一韜字蘊六號安甫滙川公子曾大父巨川公之嫡姪幼失怙恃藉有叔父媻母撫字如已子稍長其叔父經營拮据延師課訓公朝而愛業晝而誨貫夕而習復於文義悉通曉迨十有七齡棄舉子業佐叔父理家政故讀而未成是歲聘梅氏梅孺人系出名牒爲都官聖俞公裔孫女處士萬全公女也方弱齡時媻教婉婉聽從如麻枲絲繭織紝組紃諸



事靡所不學及笄嬪安甫公叶關雎之德無非無儀  
賓至則潔粢盛饌咄嗟之項具備以及縫紉緝緝巧  
製美錦皆其所能是以大得叔舅姑驩公因對孺人  
云汝固能執婦道今而後當益加勉乎公以叔父鞠  
之猶子故事季父如事父問寢視膳皆不敢少懈者  
無異於諸同堂弟至叔父捐館舍事嬪母愈恪恭此  
尤人所難及也公爲人和厚能忍自幼迄老昆弟共  
相怡怡未嘗偶閱於牆雖後食指繁甚不得已而遵

媻命析箸田廬均派篋無私蓄里中咸忻羨曰此誠  
孝友家也處鄉黨剛直公正善爲人息爭搆見者莫  
不竦然起敬壽六十卒孺人暮年佞佛清修茹素恤  
貧乏樂施予卒之時壽六十四子一人傑出嫩行之  
大畧別於本傳是載



Faint vertical columns of text, likely bleed-through from the reverse side of the page. The characters are mostly illegible due to fading and ghosting.

定甫公傳

正宣撰

公諱一畧號定甫曾王父巨川公長子爲人崇實黜  
浮兢兢自守其責人輕以約律已重以周言不妄發  
行必視義卽稍有苟且沒身罕見也侍曾王父依依  
膝下奉命唯謹其愉色婉容由衷形外迨曾王父見  
背與同堂兄安甫公其秉家政克儉克勤惟恐墮前  
人業故田畝日拓而公絕不以是自能友愛同氣有  
灼艾分痛之風雖析居後於諸昆弟事務猶悉心料

理休戚相關無分門異戶之行至待族人亦無不纏  
綿篤摯平居誨子姪曰凡屬在一本者皆當聯爲一  
體何得遂分爾我哉公之爲人寬宏仁厚刻薄不行  
向在寧陽買二僕以供薪水之役後十餘年兩奴之  
父一日造公庭而告曰昔僕因年飢鬻一子與翁今  
當垂老之際形單影隻身無可依乞翁垂憐容贖一  
子養餘年真恩同再造矣公遂遣兩奴歸宗養父與  
以婚券毫不取身價又丁溪河濱爲濟渡通衢往來

行人值雨雪酷暑無息肩之所適僧募建庵公即樂  
助銀兩凡此非盛德而何語云仁者必壽又云仁者  
必有後公享年八十有八壽而考終矣子仁孝諸孫  
鬱鬱葱葱人皆以爲天道不爽云茲因重修族譜特  
作傳以誌公生平焉



公坐平...

人皆以...

公在...

公在...

公在...

遺叟公傳

正宣謨

公諱一策字勝千號遺叟巨川公次子敏慧過人博  
通經史工古文詞而尤長於詩雖數奇未偶而儒林  
赤幟我公已樹之矣生平吟咏甚富所著有仙岩集  
蒲上吟公嘗館于蒲干梅清老先生家與梅清老梅  
子彥梅定九諸先生把酒論詩相得甚歡倡和之作  
浸盈卷軸梅瞿山先生評公詩稿有云詩之作也莫  
盛於唐如李杜張陳崔謝王柳輩固悉臻其妙今觀



勝千世兄之詩典贍蘊藉命意精深由其得乎性情  
之正而養到神完方能如是數百年以來後人之可  
以媲美先達者君寔靡愧矣識者歎爲知言間攻制  
義文雖千周不獲一售士林咸惜之而公以義命自  
安年登強仕後遂不與考惟教授生徒獎勸後進見  
吾先子童年英敏嘗顧我王父而言曰吾觀諸子姪  
中可望成立者莫過汝之次子吾來年館於家訓迪  
之使歸於成故吾先子嘗語不肖曰予之讀書得有

成者獲三伯父之益居多又嘗云三伯父之爲人擇  
言而言擇行而行推誠待物不二不欺故閭里無不  
稱爲盛德長者晚年舉公耆士間黨有爭訟者質成  
於公倚一言以明曲直論者每方之王彥方馬君實  
焉年八十四終初娶鮑氏早卒塋石橋塌繼娶葉氏  
善司壺政敬老慈幼卒年八十六與遺叟公合塋鳳  
形之麓

漢之盛



為平八十四餘年... 漢公... 言以... 曲直... 備... 言... 式... 之... 王... 安... 式... 訓... 意... 實... 則... 言... 而... 言... 辭... 竹... 而... 亦... 辭... 頗... 特... 勝... 不... 二... 不... 洪... 姑... 聞... 里... 無... 不... 以... 首... 勢... 三... 印... 父... 之... 益... 母... 珍... 女... 曹... 在... 三... 印... 父... 之... 為... 人... 對...

敷仲公傳


正宣謨

曾王父巨川公三子曰一論字敷仲年十五出塾佐  
父理生產耕雨鋤雲不辭勞瘁故曾王父家登素封  
公與有力焉曾王父有事他適公必迎於途携杖扶  
歸至居庭定省視膳無一日敢離左右曾王父疾革  
夜焚香稽首北辰願以身代侍曾王母先意承顏曲  
體親心曾王母冬日抱痾欲食薺藕冬笋公卽冒雨  
雪往郡市覓取簿暮而歸遙見虎於塗正倉卒趨避

忽值一人携燈而至曰汝無恐虎逝矣視之虎果去  
轉盼間攜燈者亦莫知所之歸告舉家莫不奇之及  
親長逝後春露秋霜履之必潛焉出涕嘗曰椎牛祭  
墓不如雞黍之遠親存若公真可謂生盡養而歿盡  
哀者矣與昆弟處怡怡然友恭是尚從無間言迨析  
居分產不爭肥瘠曰難得者兄弟易求者田里一門  
之內融融焉公之孝友克敦非至性過人何以臻此  
生平聞人之善如自己出人有不善必反覆開導令

改之而後已其厚道待人又如此惜乎享年不永三十九而卒生子二曰名立曰名重皆克自樹立云

十武帥卒出守二日谷立曰谷重留安自傳也天  
 如之而外曰燕鳳獻新入又收此書年事學不來三



大父御章公大母王孺人合傳 正宣謨

大父諱一表字御章巨川公四子幼雖明聰而多病  
曾王父曾王母極其鍾愛不忍勞以誦讀日無苦吾  
愛子也嗣是肄業不無作輟弱冠後骨氣堅凝承曾  
王父命輔理家務夙夜勤敏事無大小處之皆井然  
有條尤難及者孝友天植事二人恂恂色養得歡心  
及沒而終身之慕不衰待諸昆弟式好無尤有長枕  
大被風一門之內翕如也與人交接從無疾言遽色



至遇有義事與可哀可矜之人又未嘗閉戶自畜置之漠然寒者予衣飢者予食死喪者予賻適杜遷鎮有遺金者大父見其悲泣詢之卽傾囊以贈遺金者問大父姓名以圖報德大父曰吾力薄不能厚與是區區者聊以周子一時之急何容問爲一時塗人目覩其事咸以是多大父之高義焉來家夜夢大士云以金贈人誠善舉也嗣後更廣行陰騭天必錫汝以福夢覺因約族中數人結大士會捐金刻像供奉事

事刻責念念提醒曰所行得毋不可質神明耶生平  
無愧無怍雅愛閑靜藝藥艸蒔花栽竹興味悠然於一  
切俗務毫不關心舉三子擇名師訓之迨吾先子學  
業有成得遊郡庠大父歡然解頤曰吾於詩書未嘗  
卒業兒今補弟子員亦足少慰吾生平未遂之志矣  
先大父尊師重傳備極情文自奉嗑布衣蔬食而已  
嘗曰今後人師之使豐約得宜耳其他懿行未易更  
僕數此亦可以覘其概矣大母王孺人靜穆端莊寡

言笑勤婦職敬相夫子孝事舅姑處妯娌以和切於  
教子逮下以仁洵巾幗中楷模不愧爲賢母云大父  
生崇禎辛未卒康熙丁丑九月二十日壽六十七歲  
峻山庄基大母生崇禎乙亥卒康熙辛巳六月二十  
二日壽六十七歲塋五子墩之山

環溪公傳

正宣讓


公諱泰來字漢章號環溪原名一判巨川公五子也  
性脫畧多技能幼業儒長而棄去嘗曰與其徒事帖  
嗶作詩書蠹魚而不能博取人世功名富貴又何如  
棲雲釣月友鹿豕而侶漁樵焉往不自得哉似此襟  
懷曠達與世之競名徇利敵精勞神逐逐焉不已者  
其賢不肖何如耶公雖徜徉自適不拘小節至倫紀  
所關大德不踰仁孝性生事曾王父與曾王母子職

無虧於諸昆克恭天顯撫猶子如已子語云門內多  
遺行即難比於人數公信無愧焉一生輕財好義廣  
交遊重然諾間里有雀角者爲之排難解紛魯仲連  
不是過也公生平所行合義者甚繁茲約畧其梗概  
先是本境殿勢將傾圯特糾衆鼎新身爲總理固已  
見稱里黨而尤爲族人所推重者莫如重建祠宇公  
膺厥任竭力經營勞勩寔多至所派所助之貲登簿  
載明祠宇落成并置有祀田仍餘銀若干一一貯之

公中無絲粟入囊至今碑載人口若公者洵非碌碌  
浮生無可稱述者所可同日語也子三人孫蕃衍年  
七十四卒第爾時余尚幼未悉公之生平并前諸公  
淑行俱得於載籍與先子傳述者序之家乘豈敢少  
有增飾哉

下世給

為其骨骸難辨與夫于時感其哀之發乘其感必  
 出十四年南國初余自歐朱悉公之出平并前前公  
 等主無可辨致其也口同日歸世于三人終其世也  
 公中與絲粟人進至令與其人自歐公皆向表絲



伯父遐譽公洎郭孺人合傳

正宣謨


安甫公有子曰名遠字遐譽原字令望公形貌奇偉  
性豪爽喜賓客親戚友朋往來所餉甚豐有北海之  
風焉雖早失怙能自樹立善治生朝夕克勤家以饒  
裕創新堂構振前業而光大之然多藏之家每計盡  
錙銖瘠人以自肥閭井一有緩急等胡越然公則慷  
慨好施凡乞貸者未嘗不允其求或不償者輒焚其  
券更有可數者如修文廟與立宮梵宇道路津梁皆



樂輸勿吝至族中  
有事從無退縮  
有異姓侵祖塋  
合族鳴於官公不  
惟使季子視侯  
與其勞并于論  
丁派費外猶捐助  
銀兩族人至今  
稱道之族有居  
公外廬者數歲  
毫無所與非第  
不責其償租更  
憐其貧乏時  
多餽遺語云市  
義急而市利緩  
其公之謂與姑  
大母適山口梅  
年將八旬子媳  
盡亾公與吾先  
子伯叔等迎歸  
奉養至衣衾棺  
槨身後之物皆  
公獨力預爲之  
絕不向諸弟置  
一詞嗣後先子  
與諸伯叔各持  
金付

公堅辭不受曰姑母以吾頗殷富故獨命余如是我  
何敢違命由是觀之世之擁貲守財不肯少捐毫末  
者聞公之風可以少愧矣公生平致敬西席課子程  
孫以詩書爲式穀焉子三孫繞膝目覩多英四世皆  
公義施之報年七十六卒伯母郭孺人尤爲閨中不  
多覲者秉姿淑慎聞教夙嫻爲婦爲母令範克昭至  
義周嫺戚與聞夫宗黨間極貧者每濟急如甦涸澍  
是一生懿德能媿美乎公者俱足深嘉則孺人享年

八十有九蘭桂森森益信德隆而福集也必矣



Faint bleed-through text from the reverse side of the page, including characters like '公' and '信'.

先子默巖公傳

正宣謨

先子諱琦字次韓號默巖原名名盛御章公次子稟  
資穎異目數行並下朝夕勤讀雖月落鐘沉呶唔之  
聲徹于廬外歷寒暑靡間焉攻制義則沉思鍊心一  
意歸繩墨恥剽襲經生艷語師儒器重之曰以此應  
世博青衿如拾芥耳弱冠果遊郡庠屢試優等聲名  
鵲起執耳詞壇里中奉爲師表執經門下者日集焉  
先子於書博覽而務窮其奧突掇其精英往歲庚辰

應試白下徵君梅勿庵先生闕先子七藝云學深養  
邃嗣後偕敬亭遊又云詩不減盛唐先子見賞宗工  
如此然數奇屢屢見別應鄉試者十一而依然故吾  
嗚呼命實爲之謂之何哉顧先子居家道及於斯始  
雖咨嗟嘆息旣而處之淡然毫不介意嘗語不肖曰  
士人當修身砥行守分安貧至風雲之會惟盡其在  
我聽之於天胡可強而致也且讀書所以明道豈第  
邀青紫爲榮哉貴倫紀無負耳宣泣思先子生平侍

大父母甚懼疾病躬湯藥衣不解帶大父母逝哀毀  
骨立喪大事一軌於禮與諸昆弟式好依依棠棣處  
宗族鄉黨莫不煦煦然飲人以和信以交友始終不  
渝里中如梅巨源葛鼎玉夏恂如諸先生皆吾邑有  
道能文者咸與先子道義切劘詞翰商訂稱莫逆交  
古人云學重藝倫先子有焉先子爲人坦易然猶剛  
勁不阿遇不義事必毅然爭之適何劉二姓侵佔祖  
塋先子曰以上祖之墳墓而任侵佔何不孝如之因

約族人鳴官寃治即此亦可見先子之篤於本源而  
妥先靈於地下矣雍正乙卯族人謀議僉同以修譜  
悉委任先子至乾隆丙辰歲從事數月不料忽遭瘡  
疾先子因命不肖曰瘡雖微疾第年當垂老恐勢不  
能起矣予棄世家乘汝當與南宮翰符共襄厥任以  
毋忘乃父之命宣泣而誌之時三月十八日也四月  
朔詔小子扶往祠中與族人永訣薄暮而歸至明日  
昧爽呼不肖兄弟與之沐浴衣冠端坐而逝嗚呼痛

哉先子自告頂後猶手握一編弗輟年踰古稀耳聰  
目明矍鑠如故不謂以微疾而殞躬也能弗飲泣終  
天哉嗚呼先子積學敦行事事可法可師宣力薄不  
能乞大人君子賜言以垂不朽于是含淚濡墨畧述  
生平以載家乘俾後人則效焉著有默巖艸採懷吟  
皖征艸傲古應世等集





叔父成譽公傳

正宣撰

時維冬仲望後三日從兄弟某某以乃翁生平囑余  
爲之傳余義不獲辭因叙次其行事焉公諱名立字  
成譽原字卓人行見三敷仲公長子公九歲失怙弟  
僅七齡一二藐孤笑笑在疚其何恃以自立也乃公  
則弱不好弄稍長知穡事卽慨然曰治生莫如務本  
貧不能讀寧弗可耕于是率厥弟併力作苦振興前  
業族黨咸稱道之兄弟依依無一間言後分析諸產

交相推讓不以肥瘠爭也猶有令人可欽者雖未嘗  
從事詩書而一生行事無不與大義相符公正廉直  
宛然有儒者質行經理祠務越數年所卒不以一私  
肥囊處家嚴肅入室不聞婦女之聲子弟無鮮衣惡  
俗人以是多高氏之家法焉年登五旬後不復耑意  
生殖事務悉委之兒輩而躬不親知分自足庶幾子  
荆居室風日惟含飴弄孫披襟飲酒以樂天年而已  
享年六十有二配胡孺人生子五均承家令緒孫七

人後起之雋蟄蟄繩繩方未艾也



人外賦之再覽重錄錄之宋文也



三峯公傳

西祠

正宣誤

公諱業字守之號三峯汝典公子也汝典公卒後月  
餘公乃生母氏方孺人悼失所天幾不欲生又思有  
此遺腹子可延高氏一綫因矢志柏舟茹荼飲藥勞  
過乎敬姜而公能善體親心惟母訓是遵嘗曰吾幼  
失怙苟不克自樹立其尚可以爲人耶雖在戚屬無  
不以公幼小爲慮公則無論事務鉅細咸處之不啻  
成人迨弱冠後以振起家聲爲念所其無逸刻意勤

苦俾資產日見其增至事之當爲者衆或畏俾莫敢  
前公獨毅然任之勿致逡巡退縮故往往以此取重  
宗黨焉公一生廉潔正直無詐無虞待物常出於至  
誠且孝友性生每覩乃父遺像未嘗不涕泗沾襟其  
事母甘脆日供先意承志事事求合乎親心以故母  
大喜曰今日覩吾兒成立非特使我心釋然并可以  
慰先人於地下矣公舉七子悉教以義方而家聲不  
振又有莫能易及者

敬亭公傳

西祠

曰敬亭公者諱思孔字伯化和之公長子也生而警  
悟長而慤醇幼從事詩書厥後家務漸繁遂棄公理  
生產蚤作夜思凡所以計贏誦權子母者皆其智之  
所能悉也深悅農爲本業自古重之居恆必以此訓  
卑幼而兢兢逐末之是抑徂隰徂畛載耘載耔往往  
率僮僕以致力且見紛華靡麗非治家之道也於所  
用必節雖速客留賓陳饗設饋未始不從乎豐潔而




自奉之服御不少過嘗曰節者財之所由裕計之所  
可久何侈爲書云克勤克儉茲其有焉公之世業加  
擴而堂構允光以繼父志大都由此居鄉又抑抑自  
下無敢以賢者先人但遇父則言慈遇子則言孝遇  
弟則言悌值族黨朋友則言信言睦歷一生之處已  
接物惟期著誠去僞非義之事有所不爲聰明也而  
以渾厚藏之氣狹也而以和平出之是以與世無忤  
與人無爭每令人一庭並坐有終日弗

宗黨間莫不動稱公爲長者年五十七卒

綱紀憲至今數傳而嗣孫日盛非公之所積

克臻此



162

